

201 a.

Friedr. Ferd. Stewig.

12 B.

XVII, 204.



Inhalt dieses Bandes.

1, Beygrüßung und Bekantnis des Glaubens und der Lere, so
ein adpallirter Name Königs Majestät auff jetzigem
Tag zu Außgrüßung überantwortet habet. M.D.XXX.

W. Ist die Verordnungsweise dreyer, wie davor
geordnet, daß sie in der Urkunde nicht
nicht nur der Führung von Sätzen, sondern auch
Ubrung, Gestalt und Form zu Menschheit, befielt.

2, ein drey Symbole oder Bekantnis des Glaubens
Christi in der Reichen notwendig gebühret.
Mart: Luther. D. Wittenberg. M.D.XXXVIII.

Gedruckt durch Joh. Meib.

3, Artikel, so da gehalten sollen auff Concilio zu Mantua,
oder wo es werden wird, überantwortet werden
von unserm Reich wegen. Und was wir annehmen
oder geben können oder nicht. D. Mart Luth. Wittenberg
M.D.XXXVIII. Hieran. Gedruckt zu Wittenberg
durch Hans Luth.

4, Einreden Doctoris Martini Luffi, auff dem Ringtag
zu Außgrüßung im XXX. Jahr gehalten. Item

ein andert Lutherschen Brief den Tag zu Sonntags
den ersten Martii des 40. Jahr, der Theologen,
so zu Solingen Zeit daselbst geschriben, welcher
Namen zuvörderst erzehlet. Zu diesen
Anstiften zu thun möglich und man möge zu lesen,
damit jedermann Bericht erhalte, was in Religion
Seyn nachzugeben, oder nicht können nachzugeben
werden. Anno 1548.

S, Pro Religione Christiana res gestae in
Comitiis Augustae Vindelicorum habitis,
Anno Dni MDXXX. Cum Privilegio Caesareo.
— Nach dem Privilegio von Levin Panagath
gedruckt.

Heuwig.

Anzeigung vnd bekant-
nis des Glaubens vnd der lere / so die
adpellirenden Stende Key. Maie-
stet auff hetzigen tag zu Aug-
spurg oberantwort
habend.

M.D.XXX.

J. H. Gruner

Alles Durchleuch
tigester / Grosmechtigester
Unüberwindlicher Keyser / Aller gnedigste
ster Herr. Als Ewer Key. Maiest. verschiner
zeit einē gemeinē Keychstag allher gen Aug
spurg gnediglich außschrybē mit anzeygung

und ernstlichen beger / von sachen vnsern vn̄ des Christlichen
namens / erbfeind den Türgken betreffent / vnd wie dem selben
mit beharrlicher hilff / statlichen widerstanden / auch wie der
zwoypalten halber ynn dem heiligen glauben vnd der Christen
lichen Religion / gehandelt möge werden / zu rathschlagen vn̄
fleiß ansetzen / alle eines yetlichen gutbeduncken / opinion vn̄
meinung / zwüschen vns selbs ynn lieb vnd gütigkeit zu hören
zu verston vnd zu erwegen / vn̄ die selbigen zu einer Christlich
en warheit zebringen / vnd zu vergleichen alles so zu beyden tey
len mit Recht anffgelegt oder gehandelt were / abzethun / vnd
durch vns alle ein einiche vn̄ ware Religion anzenemen / vn̄ ze
halten. Vn̄ wie wir alle vnder einē Christo sind vn̄ streyend / al
so auch alle yn̄ einer gmeinschaft / kirchē vn̄ einigkeit zu lebē. 2c.
Vnd wir die vndenbenanten Churfürsten vn̄ Fürsten / sampt
vnsrer vertruwten / gleich andern Churfürsten / Fürsten vn̄ stend
den darzu erfordert / So habend wir vns darauff der massen er
haben / das wir sonder rum mit den ersten hieher kommen / vnd
als dan̄ auch Ewer Key. Mayest. zu vnderthenigster vollthu
ung / berürts E. Key. Maiest. außschreybens / vnd dem selbigen
gemess / dieser sachen halb / den glauben berürend / one Churfür
sten / Fürsten / vn̄ stend / yn̄ gemein gnediglich / auch mit höch
stem fleiß vnd ernstlich begert / das ein yetlicher / vermög vorbe
melts E. Key. Maiest. außschreibens / sein gut beduncken / opini
on vn̄ meinung der selbigen vrrungen / zwispalten vn̄ mißbreuch
halben / zu Teutsch vn̄ Latin / yn̄ gschriffte stellē vn̄ vberantwor
ten.

BIBLIOTHECA
PONICKAVIANA

ten soltend / darauß dan nach genommer bedacht vñ gehalten
Kadts E. Key. Mayest. an vergangner mitwochen ist furtragē
wordē / als woltend wir auß vnserm teyl / das vnser vermögen
E. Key. Mayest. furtrags yñ teutsch vñ Latin auß hüt Frey-
tag vbergeben. Hierumb vnd E. Key. Mayest. zu vnderthenige-
ster gehorsamē / vberreichē vñ vbergebend wir / vnser Pfarherr
Prediger vñ yhrer lere / auch vnser glaübens bekantnis / was
vnd welcher gstat sy aus grund Göttlicher heiliger geschriffte
ynn vnseren Landen / Fürstenthummen / Herrschafften / Stet-
ten vñ Gebietend / predigend / lered haltend / vñ vnderrichtung
thund / vñ sind gegen E. Key. Mayest. vnserm allergnedigestē
Herren / wir yn aller vnderthenigkeit erbitig / So die andern
Churfürsten / Fürsten vnd stende / dergleichen gezwifachte / ge-
schriffliche vbergebung yhrer meinung odder opinion / yñ La-
tin vñ Teutsch yetz auch thun werdend / das wir vns mit yhnen
liebten / vnd yhnen gern vñ bequemen gleichmessigen wegen
vnderreden / vnd der selbigen / so viel der gleichheit nach / ymmer
möglich / vereinigen wellen / damit vnser beider seyds als par-
ten geschrifflich furbringen vñ gebrechē / zwüschen vns selbs
yn lieb vñ gütigkeit gehandelt / vnd die selbigen zwuspalten zu
einer eynigen waren Religion / wie wir alle vnder einem Chri-
sto sind vñ streytend / vnd yhn bekennen sollend / alles nach laut
offgemelts E. Key. Mayest. außschreibens / vnd nach Göttli-
cher warheyt gefurt müged werde / als wir dan auch Gott den
Almechtigen / mit höchster demut anruffen vñ bitten wellend /
sein Göttlich gnad darzu zu verleyhen / Amen.

Wo aber bey vnsern herren / freunden / vñ besonder den Chur-
fürsten / Fürsten vnd stenden des anderen teyls / die handlung
dermassen / wie E. Key. Mayest. außschreiben vermag / bequeme
handlung vnder vns selbs / yn lieb vñ gütigkeit / der gstat nit
verfarn noch erspriestlich sein wolt / als doch an vns nit kei-
nem das mit Gott vñnd gewüßenn zu Christlicher eynigkeit
dienstlich sein kan odder mag / erwinden sol. Wie E. Key. Ma-
yest. auch gemelte vnser freund die Churfürsten / Fürsten /
Stend /

A ij Stend /

Secund / vñ ein yeder liebhabender Christlicher Religion / dem diese sachen fürkommend / aus nachuolgendem vnserm vnnd den vnsern beandnussen / gnediglich / freundlich vnd gnugsam worden / zuuernemen haben.

Nach dem denn E. Key. Maiest. vormalis Churfürstē / Fürsten vnd Stende des Keychs / gnediglich zuuerston gegeben / vñ sonderlich durch ein offentliche verlassne Instruction / auff dem Keychstag ym Jar der minderren zal. 28. zu Speir gehalten / dz E. Key. Maiest. yn sachen vnsern heiligen glauben belangent zuschliessen lassen / aus vrsachen / so dabey angezeigt nit gemeint / sunder bey dem Papst vnnd ein Concilium fleysigen vnd anhaltung thun wolten.

Vnd vor einem Jar / auff nächsten Keychstag zu Speir / vermöge einer schriftlichen instruction / Churfürsten Fürsten / vñ Stēde des Keychs / durch E. Key. Maiest. Statthalter ym Keych / Künigliche wurde zu Hungern vnnd Bhem / sampt E. Key. Maiest. Oratorn vnd verordneten Commissariē / dis vntern andern habend furtragen vnd anzeigen lassen / das E. Key. Maiest. der selbigen Statthalter ampts verwalter vnnd Rethen des Keyserlichen Regiments / auch der abwesenden Churfürsten / Fürsten vñ stende bottschaften / so auff dem ausgeschribnen Keychstag zu Regenspurg persönlich gewesen / gutbeduncken / das General Concilium belangend / nach gedacht / vñ solichs angesetzt / auch für fruchtbar erkēt / vñ weil sich aber die sache zwischend E. Key. Maiest. vñ Papst / zu gutem Christlichem verstand / schickend / das E. Key. Maiest. gewiss wäre / das durch den Papst das General Concilium gehalten / nit gewegert / So wäre E. Key. Maiest. gnedigs enbietens zu furderen vnd zehandlen / das der Papst solich General Concilium / nebent E. Key. Maiest. zum ersten auszuschreiben bewilligen / vnd daran kein mangel erscheinen solt. So enbietend gegē E. Key. Maiest. wir vns hiemit yn aller vnterthenigkeit / vnd zum vberflus ym berürtē fal ferner auff ein solich gemein frey Christenlich Concilium / darauf auff allen Keychtagen

tagen/ so E. Key. Maiest. bey ihrer Regierung im Reych gehalten/ durch Churfürsten/ Fürsten vnd Stende/ aus hoher vnd tapffer bewegungen geflossen/ an welches auch zusampt. E. Key. Maiest. wir vns von wegen dieser gros wichtigesten sachen/ ynn rechtlicher weys vnd form verschienen zeit berufft vnd appelliert haben/ der wir hiemit nachmals anhengig blieben/ vñ vns durch diese/ oder nachuolgend handlung (es werdend denn diese zweyspaltigen sachen endtlich ynn lieb vnd güteckheit laut E. Key. Maiest. ausschreibens gehört/ erwegen/ beysgelegt/ zu einer Christenlichen einigkeit/ vergleicht/ nicht zu begeben wissen/ darnon wir hiemit öffentlich bezeuged vñ protestieren.

Vnd sind das vnser vnd vnsern bekantnis / wie vnterschiedlich von artickel zu artickel hienach volgend.

Artickel des Glaubens

vnd der Leer.

I.

Erstlich wirt eintrechtigklich gelert vnd gehalten/ laut des beschluß Concilij Niceni/ das ein einig Göttlich wesen syhe/ welches genennet wird vnd warhafftig ist/ Gott/ vnd sind doch drey person yñ dē selbigen einigen Göttlichen wesen/ gleich gewaltig/ gleich ewig Gott Vater. Gott sun/ Gott heiliger Geyst/ alle drey ein Göttlich wesen/ ewig on stuck/ vnermessner macht/ weysheit vnd güte on ende / ein schöpffer vnd erhalter aller ding/ der sichtbaren vnd vsichtbaren/ vñ vnd wirt durch das wort personen/ verstanden/ mit ein stuck / mit ein eygen schafft ynn einem andern/ sonder das selbig bestadt/ wie dann die vätter yñ dieser sach die wort gebraucht habend/ derhalbē werdend verworffen alle Käzereyē/ so diesem artickel zu wider sind/ als Manichey die zween Götter gesetzt habend/ ein bösen vñ ein gute. Itē Valentiniani/ Arriani/ vñ alle der gleichen.

So nun ein person setzend/ vnd von diesen zweyen wort vñ

A ij heyli

heyliger geyst Sophisterey machēd / sagēd / dz es nicht müßēd
vndercheiden personē sein / sonder wort bedeute / leiblich wort
odder stymme / vnd der heilig geist sey geschaffne regung ynn
creaturen.

ii

Weitter wird gelert das nach dem fal Ade / alle menschen
so natürlich geborn werdend / ynn sünden empfangen vnd ge
porn werdend / das ist / dz sie alle von mutter leib voll böser lust
vñ neygung seind / vnd kein Gottes forcht / keinē waren glaubē
an Gott von natur haben künend / das auch die selbig ange
borne sucht vñ erbsund oder gebrechen / warhafftiglich sund
sey / vñ verdamme alle dieselbigen vnter ewigen Gottes zorn /
so nit durch die Tauff vñ heiligen geist widder new geborn
werdē. Sie werdēd verworffen die Pelagianer / vñ andre so die
erbsund nit fur sund haltē / damit sy die natur frō machē / dur
ch natürlich kressst / zu schmach dē leyden vñ verdienst Christi.

iii

Item es wird gelert / das Gott der sun sey mensch worden /
aus Maria der reynen Juncfrawen / vnd das die zwo naturē
Göttlich vnd menschlich / ynn einer person also vnzertrenlich
vereinigt / ein Christus seind / welcher waar Gott / waar mēsch
ist / warhafftiglich geboren / gelitten / gecrenzigt / gestorben
vñ begrabē / das er ein opffer were nicht allein fur die erbsund /
vnd Gottes zorn verdienet. Item das der selbig Christus ab
gestigen sey zu der helle. Warhafftig am dritten tag von den
todten auffgestanden / auffgefahren gen hymel / Sitzende zur re
chten Gottes. Das er ewig hersch vber alle creaturen vnd regie
re / das er alle / so an ynn glauben durch dē heiligē geist / heilige /
reinige / stercke / tröste / yn auch lebē vñ allerley gaben vñ gütter
aufsteile / vñ widder teufel vnd widder die sund / schutz vnd be
schirme. Itē dz der selbig Herr Christus endlich wirt öffentlich
kommen zu richten die lebenden vñ todten. 2c. laut des Simbo
li Apostolorum.

Weitter

III.

Weiter wirt gelert / dz wir vergebung der sund vñ gerechtigkeit vor Gott nicht erlangē mögend / durch vnsern verdienst / werck vñ gnugthung / sonder bekennē vergēbung der sund / vñ werdēd gerecht vor Gott auß gnadē vñ Christus willē durch den glauben / so wir gleubend / dz Christus für vns gelitten hat vñ das er vns vñ seinen willen die sund vergeben / gerechtigkeit vñ ewigs lebē geschenckt / dan diesen glaubē wil Got für gerechtigkeit vor yhm halten vñd zurechnen / zu den Röm. 3. vñ 4.

IV.

Solichen glauben zu erlangen / hat Gott das predigampfe eingesetzt / Euangelium vñd Sacramenta geben / dardurch er als durch mittel den heiligen geist gibt / welcher den glauben würcket / wo vñ wie er wil yñ denen so das Euangelium hörend welches leret / dz wir durch Christus verdienst einē gnedigen Got habēd / so wir solichs glaubēd / vñ werdend verdampt die Widersteuffer vñ andere / so lerend dz wir one das lieplich wort des Euangelij des heiligen geists durch eygne bereytung / gedanken vñd werck erlangen.

V.

Auch wirdt gelert / das solicher glaub gutte fruchte vñd gutte werck bringen sol / vñd das man müsse gutte werck thun / allerley so Gott gebotten hat vñd Gottes willen / doch nicht auff soliche werck zu vertrauen / dardurch gnad vor Gott zu verdienen / dann wir empfangen vergebung der sund vñd gerechtigkeit / durch glauben an Christum. Wie Christus spricht / So yhr diß alles gethan habt / solt yhr sprechen / Wir sind vn- nütz knecht. Also leren auch die veter / dann Ambrosius spricht. Also ist es beschlossen bey Gott / das wer an Christum glewbt / selig sey / vñd nicht durch werck / sonder allein

allein durch glauben on verdienst vergebung der sundē hab.

vij.

Es wird auch gelert/ das alle zeit müsse ein heilige Christenliche kirch sein vnd bleiben/ welche die versammlung aller glaubigen/ bey welchen das Euangelium reyn geprediget / vnd die heiligē Sacramenta laut des Euangelij gereicht werdēd / dan̄ dieses ist gmug zu warer einigkeit der Christenlichen Kirchen/ das da eintrechtiglich nach reinem verstand/ dz Euangelium geprediget vnd die Sacrament/ dem Göttlichen wort gemess gereicht werdēd / vñ ist nit not zu warer einigkeit d̄ Christelichen Kirchen / das allenthalben gleichförmig Cerimonien von menschen eingesetzt gehalten werden/ wie Paulus spricht / zu den Ephes. 4. Ein leib/ ein geist/ wie yhr berufft sind zu einerley hoffnung/ ewers beruffs ein Herr/ ein glaub/ ein Tauff.

vij.

Item/ wiewol die Christenliche kirch eygentlich nichts anders ist/ dan̄ die versammlung aller glaubigen vnd heiligen / yedoch dieweil yñ diesem leben viel falscher Christen vñ heuchler auch öffentlich sunder vnder den fromen bleiben/ sind die Sacrament gleich wol krefftig/ ob schon die priester / dadurch sie gereicht werdend / nit from sind / wie Christus anzeigt/ Auff dem stul Mosi sitzen die phariseer. Derhalbē werdēd die Donatisten vnd alle andere verdampt so anders haltend.

ix.

Von dem Tauff wird gelert/ das sie nötig seygen / vnd das dadurch gnad angeboten wird/ das man auch die kinder tauffen sol/ welche durch den Tauff Gott oberantwort vnd gefellig werden/ Derhalbē werdend die Widderteuffer verworffen welche leren das der kindertauff nicht recht sey.

x.

Von

Von dem Abentmal des Herren wirt also gelert / das was
rer leib vnd blut Christi / warhafftiglich vnder der gestalt des
brots vnd weins ym Abentmal gegenwertig sey gegeben / vnd
da ausgeteylt vnd genomen werde / derhalb wirt auch die ges
genleer verworffen.

xī.

Von der Beicht wirt also gelert / das man ynn der Kirchen
priuatam absolutionem erhalten vnd nicht fallen lassen sol /
wiewol ynn der Beicht nicht not ist alle missetat vnd sunden
zu erzelen / dieweil doch solichs nicht möglich ist / Psalm. 18.
Wer kennet die missethat etc.

xīj.

Von der Buß wirt gelert / das die yhenigē / so nach der Tauff
gesundet haben zu aller zeit / so sie zur buß kommen / vergebung
der sund erlangen / vnd yhnē die absolution vō der Kirchen ni
cht sol gewegert werden. Nun ist ware rechte buß eigentlich ni
chts anders / dan̄ reu vñ leid oder erschrecken haben vber die
sund / vñ auch darnebeglauben an dz Euangelium vñ absoluti
on / das die sund vergebung durch Christum gnad erworben
sey / welcher glaub widerumb das hertz tröstet vñ zu friedē ma
cht. Darnach sol auch besserung volgen / vnd das man von den
sunden lasse / dan̄ dis sollen die frucht der buß sein. Wie spricht
Matheus. 3. Wirckēt rechtgeschaffne frucht der buß. Sie werde
verworffen die so lerē / das die yhenigē / so einest sind from wor
den / nicht wider fallen mogen. Dargegen auch werden verda
mpt die Nouiciani / welche die absolution / denen so nach dem
tauff gesundet haben / wegerten. Auch werden die verworffen
so nicht leren / das man durch glauben der sunden vergebung
erlangen / sonder durch vnser gnugthuung.

xīij.

Von dem brauch der Sacramenten wirt geleret / das die
B Sacras

Sacrament eyngeſetzt ſeind / nit allein darun̄ das ſy zeichen ſey
en / dabey man außſerlich die Chriſten kennen möge / ſunder das
ſy zeichen vñ zeugnus̄ ſeind Göttlichs willens gegen vns / vnſe
rem glauben / dardurch zu erwecken vnd zestercken / derhalb ſy
auch glaubē vorderend / vñ den recht gebraucht werdend / ſo
man die ym glaubē empſacht / vñ den glaubē dardurch ſtercket

xiii.

Von Kirchen Regiment wirt gelert / das niemant yñ der
Kirchen öffentlich leren / oder predigen / oder Sacrament reich
en ſol / on ordenlichen beruff.

xv.

Von Kirchen ordnung / von menschen gemacht / lert man
die yhemigen halten / ſo on ſünd mögend gehalten werdē vñ zu
friden vnd guter ordnung yñ der Kirchen dienend / als gewiſſe
Feyerfeſte vnd dergleichen / doch geſchicht vnderricht dabey /
das man die gewiſſen damit nit beſchwären ſol / als ſey ſölich
ding nötig zur ſeligkeit / darüber wirt gelert / das alle ſatzungen
vnd tradition von menschen der meinung gemacht / das man
dardurch Gott verſune vnd gnad verdiene / dem Euangelio
vñ der leer vom glaubē an Chriſtum entgegen ſeind. Derhalb
ſeind Cloſtergelüpt vñ andre tradition / von vnderſcheid der
ſpeiſ / tag / dardurch vermeint guad zu verdienen / vnd für ſünd
gnug zethun vndüchtig / vñ wider das Euangelium ſeind.

xvi.

Von Policey vñ weltlichem Regiment / wirt gelert / das alle
Oberkeyt in der welt / vnd geordnete Regiment / vnd geſetzte
ouch gute ordnungen von Gott geſchaffen vñ eyngeſetzt ſeind
vnd das Chriſten mögen in Oberkeit / Fürſten vñ Richteramt
pt on ſünd ſein / nach Keyſerlichem vnd vndern vnbillichen re
chten / vrteyl vnd rechtſprechen / vbelthäter mit dem ſchwärde
ſtraffen / rechte krieg führen / ſtreyten / kuffen / vñnd verkauffen /
auffge

aufgelegte Eyd thund / eygens haben / Welich sein ic. Sie wer-
dent verdampt die Widertöuffter / so lerend / dz der ob angezeyg-
ten keins Christenlich sey. Auch werdent die verdampt / so lerē
das Christenliche volkommenheit sey / hauff vn̄ hof / weib vn̄ kind
leylich verlassen / vnd sich der vorberürten stuck euffern / so do-
ch dz allein rechte volkommenheit ist / rechte forcht Gottes / vn̄
rechter glaub an Gott / dan̄ das Euangelium lert mit ein euffer-
lich zeitlich / sonder innerlich ewig wāsen vn̄ gerechtigkeit des
hertzens / vn̄ stoffet nit vmb weltlich Regiment / Policey / vn̄ Re-
stand / sonder wil das man solchs alles halte / als warhafftige
Gottes ordnung vn̄ in solichen stendē Christlich lieb / vn̄ rechte
gute werck / ein yeder nach seinem beruf beweyße. Derhalb seind
die Christen schuldig der Oberkeit vnderthan vn̄ iren geboten
vnd gesetzten gehorsam zesein / in allem so on sünd geschehen
mag / dan̄ so der Oberkeit gebott on sünd nit geschehē mag / sol
man Gott mer gehorsam sein / dann dem menschen. Acto. 4.

xviij.

Auch wirt gelert das vnser Herr Jesus Christus am Jüng-
sten tag kōmen wirt zu richten / vnd alle todten zu erwecken / dē
gläubigen vn̄ auferwelten ewigs läben vnd frōnd geben / die
Gottlosen menschen aber vnd die teuffel in die Hell / vnd ewige
straaff verdammen / derhalben werdend die Widertöuffter ver-
worffen / so lerend das die teuffel vnd verdampte menschen
nit ewig peyn vn̄ qual haben werdend. Item werdend hie ver-
worffen etlich Jüdisch leren / die sich auch yetzund eröugend /
das vor der auffsteung der todten eytel heilige frommen ein
weltlich Keych haben / vn̄ alle Gottlosen vertilcken werden.

xviij.

Von dem Freyen willen wird also gelert / das der mensch et-
licher maß einē freyen willen hat / eufferlich erbarlich zu leben /

B ij vnd zu

vnd zu wollen vnder denen dingen / so die vernunft begreiffet /
aber ohne grund / hilff vnd würckung des heiligē geists / vermag
der mensch mit Gott gefellig zu werden / Gott hertzlich zu fürch
ten oder zu glauben / oder die angeborne böse lust auß dem her
zen zu werffen / sonder solichs geschichte durch dē heiligē geist /
welcher durch Gottes wort geben wirt / dann Paulus spricht
1. Cor. 2. Der natürlich mensch vernimpt nichts vom geist Got
tes / vñ damit man erkennē mög dz hierin kein neüweck gelert
wirt. So seind die klaren wort August. vom Freyē willē hiebey
geschrieben / auß dem Hipognosticon. Wir bekennend / das yn al
len menschen ein freyer will ist / dan sy habend ye alle natürlich
angebornē verstand vñ vernunft mit / das sy etwas vermögē
mit Gott zehandelen als Gott vō hertzen zelieben / zeförchten
yn eüsserlichen werckē. Dises lebens habend sy freyheit gutes od
böses zewellē / gut mein ich das die natur vermag / als auff dem
acker zu arbeyten / oder nit zu essen / zu trincken / zu einem freund
zegen / oder mit ein Kleid an oder abzethun / zu bawen / ein weib
zu nemen / ein handtwerck zetryben vñ dergleichē / etwas nütz
lich vñ gutes zethun / welches alles doch an Gott nit ist noch
bestadt / sonder als auß jm vnd durch in ist. Dargegen kan der
mensch auch böses auß eygner wal furnemen / als vor einem Ab
gott nider zekneuen / ein todschlag zethun. 2c.

XX.

Von ursach der sunden wirt bey vns gelert / dz / wiewol Got
der Allmechtig die ganz natur geschaffen hat vnd erhept / so
würckt doch der verkerte will die sund yn allē bösen vñ verach
teren Gottes / wie dan des teuffels wil ist vñnd aller gottlosen /
welcher als bald so Gott die hand abgethon / sich von Gott zu
dem argen gewennt hat. Wie Christus spricht Jo. 8. Der teufel
leret lügen aus seinem eygnen.

XXI.

Den vnsern wirt mit vnwarheit zugelegt / das sy gute werck
verbie

verbleten / denn yhr geschriffte von zehen gebotten vnd andre
beweyssen / das sie von rechten Christlichen stenden vnd werck /
en / gutten nutzlichen berichte vnd meinung gethan haben / da
von man zu dieser zeit wenig gelert hat / sonder allermest ynn
allen predigen auff kindische / vnnötig werck / als Rosenkrenz
heiligen dienst / munch werden / walfarten / gesetzte Fasten / fey
rā / bruderschaftē . 2c. getrieben. Soliche vnnötige werck rümet
auch vns widderpart nū nicht mer so hoch als vorzeitē. Dar
zu haben sie auch gelert nichts vom glauben zu reden. Davon
sie doch ynn vorzeiten gar nicht gepredigt haben / leren den
noch davon / denn wir nicht allein aus wercken gerecht werdē
vor Gott / sonder setzen den glauben an Christum. Darzu spre
chends / Glaub vnd werck machen vns gerecht fur Gott / weli
che red etwas mehr trostes bringen mag / denn so man allein
leret auff werck zuertrawen. Diweil nun die leer vō glauben /
die dz hauptstuck ist / ynn Christenlichem wesen so lange zeit /
wie man bekennen mus nicht getrieben worden / sonder allein
werck leren an allen orten gepredigt / ist davon durch die vn
sern solicher vnterricht geschehen. Erstlich / das vnser werck
nicht mögen mit Gott versünen vñ gnad erwerben / sonder so
lichs geschicht allein durch den glauben / so man glaubt / das
vns vmb Christus willen die sund vergeben werde / welcher
allein der mittler ist / den vater zuersünen. Wer nun solichs ver
meint / durch werck auszurichten vnd gnad zuerdienen / der
verachtet Christum / vnd sucht einen eygen weg zu Gott / wid
der das Euangelium. Diese leer vom glauben ist offentlich vñ
klar aus paulo / an vielen orten gehandelt / vñ sonderlich zu de
Ephe. 2. Aus gnaden seind yhr selig worden durch den glau
ben / vnd das selbig nicht aus euch / sondern ist Gottes gab / ni
cht aus wercken / damit sich niemands rhūme. 2c. Vnd das hie
rynn kein newer verstand eingefurt sey / kan man aus Augusti
no beweisen / der diese sach vleissig handelt / vñ auch also leret /
das wir durch den glauben an Christum gnade erlangen / vnd
vor Gott gerecht werden nicht durch werck / wie sein ganz
B ij buch

augf

büch (De spiritu et litera) außweyßt.

Wiewol nun dise leer bey vnersüchten leuten seer verachtet wirt/ so befindet sich doch/ das sy den blöden vñ erschrockne gewüßten seer trostlich vñ heylsam ist/ dann das gewüßten kan nit zu rüh vnd frieden kommen durch werck/ sonder allein durch glauben so es bey im gewußlich beschleußt / das es in Christus willen einen gnedigen Gott habe. Wie Paulus spricht Ro. 5. So wir durch glauben seind gerecht wordē/ habend wir rüh vnd frieden vor Gott. Disen trost hat man vor zeyten nit getrieben im predigen/ sonder die armen gewüßten auff eygne werck getribē/ vñ seind mancherley werck furgenomen / dann etliche hat das gewüßten in die Clöster gejagt/ der hoffnung/ daselbst gnad zu erwerben/ durch Closterleben / etliche habend andre werck erdacht/ damit gnad zu verdienen/ vñ für sünd gnüg zu thun. Der selben vil habend erfahren/ das man dadurch nit ist zu frieden komen/ darumb ist not gewesen dise leer vom glaubē an Christum zu predigen vñ fleißig zutreiben/ das man wüsse das man allein durch glauben/ on verdienst / Gottes gnad ergreiffet. Es geschicht auch vnderricht/ dz man hie nit von sollichem glauben redt/ den auch die teuffel oder Gottlosen habē/ die auch die historien glaubend/ dz Christus gelitten hab/ vnd aufferstand sey von toden / sonder man redt von waren glauben/ der da glaubt/ das wir durch Christum gnad vñ vergebung der sünd erlangend/ vnd der nun weyß das er einē gnedigen Gott durch Christum hat / kennet also Gott / ruffet ihn an/ vnd ist nit on Gott wie die Heyden / dann teuffel vnd gottlosen glaubend disen artickel / vergebung der sünde / nit. Darumb seind sy Gottes feind/ können ihn nit anruffen/ nichts güts von ihm hoffen/ vnd also wie yezund angezeigt ist/ redet die schrift vom glauben/ vnd heysse nit glauben ein solliches wiessen/ das teuffel vnd gottlose menschen haben.

Dann also wirt von dem Glauben gelert/ zu den Hebre. 11. Das glauben nit allein die Historien wüßend/ sonder züversicht habend zu Gott/ seine zusag zu empfangen. Vnd Augustinus erinnert

uns erinnert uns doch / das wir das wort / Glaubē / inn der schrifte verstou sollen / das es heysse zuversicht zu Gott / das er uns gnedig sey / vñ heisse nicht allein solche historien wissen / wie auch die teuffel wissend.

Weyter wirt gelert / das gute werck sollend vnd müssen geschehen / nit das man darauff vertrauwe gnad mit zuverdienen / sonder vmb Gottes willen / vnd Gott zu lob. Der glaub ergriefft alle zeit allein gnad vnd vergebung der sunden / vñnd die weyl durch den glauben der heylig geist geben wirdt / so wirdt auch das hertz geschickt gute werck zethun / dan zuvor dieweil es on den heiligen geist ist / so ist es zu schwach / darzu so ist es in des teuffels gewalt / der die armen menschlich natur zu vil sunden treibt / wie wir sehen inn den philosophen / welche sich vnter standē / erlich vñ vnstrefflich zu lebē. Habend aber dennoch solichs nit außgericht / sonder seind inn vil grosse offentliche sünd gefallen. Also gadt es mit dem menschen / so er aussert rechtem glauben on den heyligen geist ist / vnd sich allein durch eygne menschliche schrifft regieret.

Derhalben ist dise leer vom glauben nit zu schelten / das sie gute werck verbiet / sonder vil mer zu rümen das sy lere gute werck zethun vnd hielff anbiete / wie man zu guten wercken kommen möge / dann aussert dem glauben vnd ausserthalb Christo / ist menschliche natur vnd vermögen vil zeschmach gute werck zethun / Gott anzerüffen / gedult zehaben im leyden / den nechste lieben / den bevolhnen ämptern fleissig befelch zethun / gehorsam zesein / böse lust zu meyden. 2c. Soliche hoche vñnd rechte werck / mögend nit geschehen one die hilff Christi. Wie Christus selb spricht Joan. 15. On mich könnend jr nichts thun.

XXI.

Von der heiligen dienst / wirt von den vnsern also geleret / das man der heiligen gedencen sol / auff das wir vnsern glauben sterckind / so wir sehend wie inē gnad widerfaren auch wie inen durch glaubē geholffen ist / darzu dz man Exēpel nemme
von

von yhren gutten wercken / ein yeder nach seinem beruff / Gley
ch wie Key. Maiest. seligklich vnd Göttlich dem Exempel Da
uid volgen möge / Krieg wider den Türcken zefüren / dann bey
de seind sy in Künigklichem ampt / welches schutz vnd schirm
yhrer vnderthonen forderet / durch geschriffte aber mag nichts
beweysen / das man die Heyligen anruffen odder hilff bey inen
suchen sol / dann es ist allein ein einiger versaner vnd meler
gesetzt zwüschent Gott vnd menschen Jesus Christus. 1.
Tim. 2. Welcher ist der einige heyland / der eynige obres
ster priester / gnadenstül / vnd fürsprech fur Gott / Rom.
8. Vnd der hat allein zügesagt / das er vnser gebett erhören
welle / das ist auch der höchste Gottes dienst nach der schriffte /
das man den selbigen Ihesum Christum / in allen nöten vn an
ligen von hertzen suche vnd anruffe. 1. Joan. 2. So yemant
sündiget / habend wir einen fürsprechē bey Gott der gerecht ist
Iesum. 2c.

Dis ist vast die summa der leer / welche in vnsern Kirchen
zü rechtem Christlichem vnderricht vn trost der gewissen / au
ch zü besserung der gläubigen geprediget vnd gelert ist / wie
wir dann vnser eygen seel vnd gewißne ye mit gern wölten
für Gott / mit mißbrauch Göttlichs namens odder wort / in
die höchste / gröste gefahr setzen / oder auff vnserer kinder vnd
nachkommen / ein andre leer / dann sy dem reinen Göttlichen
wort Christenlicher warheit gemäß söllend sellen oder erben /
So dann die selbigen in heiliger gschriffte klar gegründet / vnd
dazu gemeiner Christenlicher / ja auch Rhömischer Kirchen /
so vil auß der vätter schrifften zu vermercken nach entgegen ist /
so achtend wir auch / vnserer widdersecher könnind in ob
angezeygten articlen nicht vneynig mit vns sein / derhalben
handlend die yhenigen ganz vnfreiuntlich / gschwind / wider
alle Christenliche eynigkeit vnd liebe / so die vnseren derhalb
als kätzer abzesonderen / zü verwerffen vnd zu meyden / yhnen
selbs ein eynigen bestendigen grund Göttlicher gebott odder
schriffte fürnemend / dann die yrung vnd zancf ist fürnem
lich

uber etliche tradition vnd mißbreuchen / so dann nun an den
hauptarticlen kein befindlicher on grund oder mangel / vnd
dis vnser bekantnuß Götlich vnd Christenlich ist / söltend sich
billich die Bischoffen / wen schon bey vns d tradition halb ein
mängel were / gemilter erzeygē / wiewol wir verhoffend bestendi
gen grund vñ vrsachen dar zuthun / warumb bey vns etlich tra
dition vnd mißbreuch geendert seind.

Artickel an welchen zwispalt ist / da erzelt werdent
die mißbreuch so geendert seind.

So nun von den Articklen des Glaubens / in vnsern Kirchen
nicht gelet wirdt / zu wider der heiligen schrift oder gemeiner
Christenlichen Kirchen / sonder allein etlich mißbreuch geendert
seind / welche zum teil mit der zeit selbs eingerissen / zum teil
mit gewalt auffgericht / vorderet vnser notturfft die selbigen zu
erzellen / vnd vrsach anzezeygen / warumb hierinn enderung ge
duldet ist / damit Key. Maiest erkennen müge das nit hierinn
vnchristlich oder fräsenlich gehandelt / sonder das wir durch
Gottes gebot / welchs billich höher zu achten / dann alle gewon
heit getrungen / sölch enderung zugestatten.

Von beider gestalt des Sacraments.

Den Leyen wirt bey vns beide gestalt des Sacraments ge
reicht / auß diser vrsach / das dis ist ein klarer befehl vnd gebot
Christi / Matt. 26. Trinckend alle darauß. Da gebent Christus
mit klaren worten / von dem Kelch / das sie alle darauß trincken
söllend. Vnd damit niemant dise wort anfechten vñ glosieren
konne / als gehöre er den priesteren allein zu / so zeigt Paulus.
1. Cor. 11. an / dz die gantz versammlung der Couthen Kirchen / bei
de gestalt gebraucht hat / vnd diser brauch ist lange zeit inn der
Kirchen blieben / wie man auß den hystorien vñ der väter schrif
ten beweyßen kan. Ciprianus gedenckt an viel orten / dz den Ley
en der Kelch der zeit gereicht sey. So spricht Sanct Hieronymus
das die priester so das Sacrament reichent / dem volck dz
C blut

blut Christi aufsteilend. So gebietet Gelasius selbs/dz man dz
Sacramēt nicht teilē solle (dinstinc. 2. de Cōsecratione. c. Cōpe
rimus.) Man findet auch nienen keinen Canon/der da gebiete
allein ein gestalt zu nemen. Es kan auch niemants wissen / weñ
oder durch welche diese gewöheit/ein gestalt zenemen eingefü
ret ist. Wiewol der Cardinal Cusanus gedenckt/ weñ dise weyß
adprobiert sey. Nun ist offentlich/ das soliche gewonheit wider
Gottes gebot/oder wider die altē Canones eingefüret/vnrecht
ist. Derhalben hat sich nit gebürt/der yhenigen gewissen so das
heilig Sacrament nach Christus einsetzen/zugebrauchē begäre
habend zu beschwären vñ zwingen/wider vnsern Herren Chris
sti ordnung zehandlē/vñ dieweil die teylung des Sacraments
der einsetzung Christi zu entgegen ist/wirt auch bey vns die ge
wonlich procession mit dem Sacrament vnderlassen.

Vom Bestand der Priesteren.

Es ist bey yederman hocheß vñ nidern stands ein großmech
tige klag in der welt gewesen/von grosser vnzucht/vñ wildem
wesen/vñ leben der priestern / so nit vermochtend keuscheit zu
halten/vnd was auch ye mit solichen lastern auff das höchst
kōmen. So vil heftlich/groß ergernus/Lebruch/vñ ander vn
zucht zu vermeyden/habend sich etliche priester bey vns in Ke
lichen stand geben/die selbigen zeygend dise ursach an / das sy
dahin getrunggē vñ bewegt sind/auff hocheß not irer gewüßne/
nach dem die schrift klar meldet/der Kelich stand sey vō Gott
dem Herren eingesetzt/vnzucht zu vermeidē/Wie Paulus sagt.
Die vnzucht zu vermeyden / hab ein yetlicher sein eygen Kes
weyb. Item es ist besser Kelich werden dan brünnen. Vñ nach
dem Christus sagt Matth. 19. Sy fassend nit alle das wort. Da
zeigt Christus an/welicher wol gewüßt was am menschen sey/
das wenig leut die gab keusch zu leben/haben/dan Gott hat dz
menschen mennli vñ fröwlin geschaffen / Gen. 1. ob es nit inn
menschlicher macht oder vermogē sey/auff vñ one sunderlicher
gnad

gnad Gottes/durch eigen furnemen oder gelüpt Gottes / der hohen maicstat geschöpfft besser zernachē oder zu enderen / hat die erfahrung all zu klar gebē / dan was guts / was erber züchtig lebens / was Christlichs / eerlichs vñ redlichs wandels an vielen darauß erfolgt / wie gewolich / schrecklich / vnruw vñ quel yhres gwissen vil an irem letsten ende / derhalb gehapt / ist am tag / vñ jr viel haben es selbs bekennet. So dann Gottes wort vñ gebot durch kein menschlich gelüpt odder gesatzte mag geenwert werden / habend auß disen vñ anderen vrsachen vñ gründen / die priester vñ ander geistliche Leweyber genommen.

So ist es auch auß den historien vñ der väter schrifften zu beweysen / das in der Christenlichen Kirchen vor alterher gebrucht gewesen / das die priester / Diocon / Leweyber gehabt / darun sagt Paulus. 1. Timoth. 3. Es sol ein Bischoff vnstrefflich sein / eines weibs mā. Es sin auch vñ teutschē landē erst vor. 400. jarē die priester zum gelüpt der keuscheit / vō dem Bestand mit gewalt abtrungen / hat Calixtus thon / welche sich dagegē samēlich / auch so ganz ernstlich vñ hart gesetzt haben / dz ein Erz bischoff zu Mentz / welcher das Bāpstliche new Edict derhalb ben verkündiget / gar nach in einer embörung der ganzen priesterschaft / inn einem getreng wāre vnbracht / vñ desselbigen verbot als bald im anfang so geschwind vñ vngeschicklich fur genommen das der Bapst die zeit mit allein die kunfftig Ke den priesteren verboten / sonder auch der yhenigen Ke / so schon in dem stand lang gewesen / zerrissen / welichs doch nit allein wider alle Götliche / natürliche vñ weltliche recht / sonder auch dē Canonibus so die Bāpst selbs gemacht / vñ den berümpftē Consilijs ganz entgegen vñ wider ist.

Auch ist bey vilerley hohen verstendigen vñ Gotsföchtigē leuten / dergleichen red vñ bedencken oft gehört / das sölicher getrungner Celibat vñ beraubung des Bestands / welche Got selbs eingesetzt vñ frey gelassen / nie kein guts / sonder vil grosser böser lastern vñ viel arges eingefurt habend. Es hat auch eyner vom Bapst Pius. 2. selbs / wie seine Historien anzeigt / diese

C ij wort.

wort offte geredt / vñnd von im schreiben lassen / Es möge wol
etliche vrsach haben / warum den geystlichen die Ke vebotten
sey / es hab aber viel grösser / höher vñnd wichtiger vrsachen
warum man inen die Ke solle frey lassen / vñgezweyfelt es hat
Bapst Pius als ein verstendiger weiser man / diß wort auß gro
sem bedencken geredt / derhalben wellend wir vns in vnderthe
migkeit zu Key. Maieft. vertrösten / dz die als ein Christlicher /
hochloblicher Keyser / gnedigklich behertzigen werde / Das ye
zund in letsten zeyten vñ tagen / vñ welchen die schrifft yetz mel
det / die welt ye mer erger / vñ menschen geprechlicher vñ schwe
cher worden / derhalb wol hochnötig / nutzlich / vñ Christenlich
ist / dise fleissig cynsehung zethū / damit wo der Kestand verbot
ten / nichts erger vñd schantlicher vnzucht vñ laster in Teutsche
landen möchten eynreissen / dann es wirdt ye diese sachen nie
mandts weyßlicher odder besser enderen / odder machen könn
nen / dan Gott selbs / welcher den Kestand menschlicher gebre
chlichkeit zu helffen / vñ vnzucht zu weeren eingesetzt hat. So sa
gent die alten Canones auch / man muß zu zeitē die scherpfte vñ
reuche lindern vñd nachlassen / vmb menschlicher schwachheit
willen / vñ ergers zu verhüten vñ zu meyden. Nun were das inn
disem fal auch wol Christenlich vñd ganz hoch von nöten / woz
kan auch der priester vñd geistlich Kestand gemeiner Christen
lichen kirchen nachteylig sein / sonder der pfarherr vñd andre
so der kirchen dienen söllend. Es wirt wol künfftig an prieste
ren vñd pfarherren manglen / so das hart verbot des Kestands
lenger weren sölt.

So nun dieses / namlich das die priester vñd geistlichen mö
gend Keliich werden / gegründet ist auff das Göttlich wort vñ
gebot. Darzu die Historien beweisend / das die priester Keliich
gewesen / so auch das gelüpte der Keuscheit so vil häßliche / vn
christliche ergernuß / so vil eebruch / schreckliche vñgehörte vn
zucht vñ greuliche laster hat angericht / dz auch etlich redlich
vñdern Thumherrē / auch etlich Curtisanē zu Rom sölichs selbs
bekennē / vñ kleglich angezogē wie sölich laster so greulich vñ
ubernacht Gottes zorn wurde erregt werdē. So ist es ye erbar

mlich das mā dē Christenliche Bestand/nit allein verbotten/
 sonder an etlichen orten auff's geschwindest/wie vñ groß ubel
 that zū straffen vnderstanden hat/so doch Gott inn der heili
 gen schrifft/den Bestand inn allen eeren zehaben gebottē hat.
 So ist auch der Bestand in Keyserliche Rechten/vnd in Mo
 narchien/wo ye gesetzet vñ Recht gewesen/hoch gelopt / allein
 dieser zeyt behönnnet man die leüt vnschuldig / allein vmb der
 Ke willen zū marteren/vnd darzū püester/dero man vor ande
 ren schonen solt/vnd geschicht nit allein wider Götlichs Re
 cht/sonder auch wider die Canones. Paulus der Aposteli. Tim
 4. nennet die lere/so die Ke verbeitet/Teufels leer. So sagt Ch
 ristus selbs Jo. 8. Der Teuffel sey ein mörder von anbeginn/wel
 ches dann wol zusamen stymmet/das es freylich Teufels le
 re sein müßend/die Ehe verbiten/vnnd vnderstōn soliche lere
 mit blüt vergiessen zū erhalten. Wie aber kein menschlich gsatz
 Gottes gepot kan weg thun oder enderen/Darumb gibt auch
 Sant Ciprianus den Radt / das die weyber so die gelopten
 Keuscheyt nit haltend/söllend Kelich werden/vnd sagt libro. 1.
 Episto. 11. also. So sy aber Keuscheyt nit halten wöllend/odder
 vermögend/ists besser das sy Kelich werdend / dann das sy
 durch ire lust ins sheur fallind/vnd sollend sich wol fürsehen/
 das sy den brüder vnd schwöstem kein ergernuß anrichtend.
 zū dē so brauchend auch alle Canones grösser gelindigkeit/bil
 ligkeit gegen denen so in der iugend gelüpte gethon / wie
 dann püester vnd Münche der merteil in der jugend/in sölich
 en stand auß vnwißheit kommen seind.

Vonder Mess.

Man legt den vnsern vnrechtlich auff/das sy die Mess söls
 len abgethon haben/dann das ist offenlich das die Mess Con
 rüm zereden bey vns mit grösser andacht vnd ernst gehalten
 wirdt/dann bey den widersechern. So werden auch die leüt
 mit höchstem fleiß zum oftermals vnterrichtet vom heiligen
 Sacrament/worzū es eingesetzt / vnnd wie es zū gebrauchen

sey/ als namlich die erschrocknen gewüßten/ damit zu trösten/
dadurch das volck zu der Communion vnd Messe gezogen
wird/ dabey geschicht auch vnderricht wider andere vnrechte
leer vom Sacrament/ so ist auch in den öffentlichen Cerimo-
nien der Messen/ kein merglich enderung geschehen/ dan das
an etlichen orten teüsch gesang/ das volck damit zu leren vnd
zu üben/ nebent Latinischem gesang gesungen wird. Sintmal
alle Cerimonien fürnemlich darzu dienen söllend/ daß das vol-
ck daran lerne was im zu wissen von Christo not ist.

Nach dem aber die Mess auff mancherley weis vor diser
zeyt mißbraucht/ wie am tag ist/ das ein Iharmarckt darauff
gemacht/ das man sy kaufft vnd verkaufft hat/ vnd das merer
teil in allen Kirchen vñ gelts willen gehalten ist. Sölicher miß-
brauch zu mermalen/ auch vor diser zeit/ von geleerten vñ from-
men leutē gestrafft worden. Als nun die prediger bey vns das
von gepredigt vñ die priester davon erinnert sind der schreck-
lichen betröuwund/ so dann billich ein yeden Christen bewegē
söl/ das wer das Sacrament vnwürdiglich brauchet / der sey
schuldig am leib vñ blüt Christi. Darauff sind söliche kauffme-
sse vnd winckelmesse/ welche bis anher auß zwang vmb gelts
vñ prebenden willen gehalten worden / in vnsern Kirchen
gefallen.

Dabey ist auch der greulich yrrthum gestrafft/ das man ge-
lert hat/ vnser Herr Christus habe durch seinen tod / allein
für die erbsünd gnüg gethon/ vñ die Mess eyngesetzt zu einem
opffer für andere sünde/ vnd also die Mess zu einem opfer ge-
macht für die lebenden vnd todten/ dardurch sünd hinweg ze-
nehmen/ vñ Gott zu versünen.

Darauff ist weyter gefolget/ das man disputieret hat/ ob ein
Mess für vil gehalten/ als vil verdiene/ als so man für eynen yet-
lichen ein besonderliche hielte / daher die grosse vnzalbarlich
menge der Messen kommen / das man mit disem werck hat
wollen bey Gott alles erlangen/ das man bedörffen hat / vnd
ist darneben des glaubens an Christum vnd rechten Gottes
dienst

dienst vergessen worden. Darinn ist davon vntericht beschehen / wie on zweiffel die not erfordert / das man wüsse wie das Sacrament recht zu gebrauchen were / vnd erstlich / das kein opffer für die erbsund vnd andere sund sey / dan der eynig tod Christi / zeygens an vil orten an. Dann also stadt geschrieben zun Hebreern / Das sich Christus ein mal geopfferet hat / vnd dardurch für alle sund genug gethon.

Es ist gar ein vnerhörte neuwigkeit / inn der Kirchen lerē / das Christus tod allein solte für die erbsund vnd sunst nit auch für andere sund genug gethon haben. Derhalb zu hoffen / dz mēglich verstee / dz solicher yrrthūb nit vnbillich gestrafft sey

zum andern lert Sant Paul / das wir vor Gott gnad erlangend / durch glauben vnd nit durch werck / darwider ist offentlich diser mißbrauch der Mess / so man vermeint gnad zu erlangen / durch dises werck / wie man dann weyßt / das man die Mess darzu gebraucht / dardurch sund abzelegen / vnd gnad vñ alle güter bey Gott zu erlāgē / nit allein der priester für sich / sonder auch für die gantz welt / vñ für andere lebendig vñ tod

zum dritten. So ist das heilig Sacrament eyngesetzt / nit damit für die suud ein opffer anzerichtenn / (dann das opffer ist zūtor geschehen) sonder das vnser glaub dadurch erweckt / vnd die gewūssen getrost werdend / welichedurchs Sacramēt vernemmend / das jnen gnad vnd vergebung der sund von Christo zūgesagt ist / derhalb forderet diß Sacrament glauben / vnd wirt on glauben vergeblich gebraucht.

Dieweyl nū dise Mess nit ein opffer ist / für andere lebendig vñ todtē ire sund hinweg zenemē / sonder sol ein Cōmuniō sein / dz der priester vñ andere das Sacramēt emphahēd für sich / so wirt dise weyß bey vns gehalten / das man an feyrtagen / auch sunst so Communicanten da seind / Mess helt / vnd erlich so das begerend Communiciert. Also bleybt bey vns die Mess in jrē rechtē brauch / wie sy vorzeyten in der Kirchē gehalten / wie man beweysen mag auß Sant Paulen 1. Cor. ii. darzu auch auß viler vätter schrifften / dann Chusost. spricht. Wie der priester täglich

täglich stand vnd vorder etlich zu der Communion / etlichen
verbieth er hinzu zutretten. Auch zeigend die alten Canones an/
das einer das Ampt gehalten hatt / vnd die anderen priester
vñ Diacon communiciert / dan also lautend die wort in Cano
ne Niceno / Die Diacon sollend nach den priesteren ordenlich
das Sacrament empfangen von dem Bischoff oder priester.
So man nun kein neirwigkeit hierinn / die in der Kirchen von
alters nit gewesen fürgenommen hat / auch in den öffentlichen
Cerimonien der Messen / kein mercklich enderung geschehen /
allein da die anderen unnötigen Messen etwan durch miß
brauch gehalten / nebent der opffer Mess gefallen seind / sol billich
dise weiß Mess gehalten / nit für kätzerlich vñ vnchristlich ver
dampt werden. Dann man hat vor zeiten auch in den grossen
Kirchen / da vil volcks gewesen / auch auff die tag / so dz volck zu
samen kam / nit täglich Mess gehalten / wie Tripartita histo
ria libro .9. anzeigt / das man zu Alexandria an Mittwoch vñ
freitag die schrift gelesen vnd außgelegt haben / vnd sunst al
: Gottes dienst gehalten one die Mess.

Von der Beicht.

Die Beicht ist durch die prediger diß teyls nit abgethon /
dann dise gewonheit wirt bey vns gehalten / das Sacrament
nit zereichen denen so nit zuuor verhört vnd absoluiert seind.
Dabey wirt das volck fleysig vnderrichtet / wie trostlich das
wort der absolution sey / wie hoch vnd theur die absolution zu
achten / dann es sey nit des gegenwürtigen menschen stimm o
der wort / sonder Gottes wort / der die sünd vergibt / dann sy
wirt an Gottes statt vnd aus Gottes befehl gesprochen. Vñ
disem befehl vnd gewalt des schlüssels / wie trostlich / wie nö
tig sy sey / denen erschrocknen gewüssen wirt mit grossen fleiß
gelert. Darzu wie Gott fordere / diser absolution zu glauben /
nichts weniger / dann so Gottes stimm von himel erschalle / vnd
vns der absolution frölich trösten / vnd wissen / das wir durch
sölchen glauben / vergebung der sünd erlangen. Von disen nö
tigen

tigen stucken habent vor zeyten die prediger/so von der Beichte vil lertē/ mit ein wörtlin gerürt/sonder allein die gewissen mit langer erzellung der sundē/mit gnugthun/ mit Ablass/ mit wal farten/vnd dergleichen gemartert. Vñ vil vnser widersechern bekenend selbs/das dises teils vō rechter Christenlicher buß geschicklicher dan vor yñ langer zeit geschriben vñ gehandelt sey.

Vnd wird von der Beicht also gelert/ das mā niemant zwingen sol die sund namhaftig zu erzellen/dan solichs ist vnmüglich/wie der psalmen spricht/War kennet die missethat vñ yrrung/des menschen hertz ist so arg/ dz mans nit außlernen kan

Die ellend menschlich natur stecket also tieff in sunden/ dz sy die selbigen nit alle sehen oder kennen kan. vñ soltend wir allein von denen absoluiert werden/die wir zellen könnend/were vns wenig geholffen. Derhalb ist nit not die leut zetringen/ die sunde namhaftig zu erzellen. Also habent auch die väter gehalten/wie man findet/Distinctio. 1. de penitentia/da die wort Chrisostom. 4. angezogen werdend. Ich sag nit das du dich selbs solt offentlich dargebē/noch bey eynem anderen dich selbs verklagen/oder schuldig gebē/sonder hör den propheten/welcher spricht/ Offenbar dem Herrē deine wege/derhalb beichte Got dem Herren/dem warhaftigen Richter/ nebens deinem gebet nit sag deine sund mit der zungē/sonder in deinē gewissen. Sie sicht man klar/dz Chrisost. nit zwingt/die sund namhaftig zu erzellen/ So lert auch die gloss in Decretis de penitentia Dist 6. das die Beicht nit durch die schrift geboten/sonder durch die Kirchen eyngesetzt sey.

Doch wirdt durch die prediger dises teyls / fleysfig geleret/ das die Beicht von wegen der absolution/weliche das hauptstück vnd das furnemest darinn ist/zu trost der erschrocknen gewissen. Darzu vmb etlicher andern vrsach willē/zu erhalten sey.

Von vnderscheid der Speyse.

D Vorzeyt

Vorzeiten hat man also gelert/ gepredigt vnd geschriben/
das vndercheid der speiß vnd der gleichen tradition / vñ men
schen eyngesetz: / darzu dienen/ das man dardurch gnad verdie
ne/ vnd für die sund gnug thuye. Auß diesem grund hat man
tägliche newe Fasten/ newe Cerimonien/ newe Orden vund der
gleichen erdacht/ vñ auff solichs hefftig vñnd hart getrieben/
als seyen soliche ding nötige Gottes dienst / dardurch man
gnad verdiene/ so mans halte/ vñ grosse sund geschehe so mās
mit halte. Darauß seind vil schedlich yrrthum̄ inn der Kirchen
gefolget.

Erstlich ist dardurch die gnad Christi vñ die leer vñ glaubē
verdüncklet/ welche vns das Euangelium mit grossen ernst
fürhelt/ vnd treibt hart darauff/ das man den verdienst Christi
hoch vnd theur achte/ vñnd wisse/ das glauben an Christum/
hoch vnd weyt vber alle werck zu setzen sey.

Derhalb hat S. Paulus hefftig wider das gsatz Mosi vnd
menschliche traditiones gefochten/ das wir lernen sollen / das
wir vor Gott nit from̄ werdend auß vnseren wercken / sonder
allein durch den glauben an Christum/ das wir vmb Christus
willen gnad erlangend.

Soliche leer ist schier ganz verloschen / dadurch das man
hat gelert/ gnad zu verdienen mit gsagen/ fasten / vndercheid
der speiß/ Kleider ic.

zum andren/ habend auch soliche traditiones Gottes gebot
verdüncklet/ dan̄ man setzet solich traditiones weyt vber Got
tes gebot. Dis hielt man allein für Christlich leben/ wār feyrtag
also hielt/ also betet/ also fastet/ also bekleidet wāre / Das nenet
man geistlich Christlich leer. Darneben hielt man andere nöti
ge gute werck/ für ein weltlich vngeistlich wesen / namlich die/
so yeder nach seinem beruff zethun schuldig ist/ als dz der hauß
uater arbeyte/ weib vñ kind zu neeren/ vñ zu Gottes forcht auff
zeziehen/ die haußmutter kinder gebirt vnd wartet jr/ ein Fürst
vnd Oberkeit/ land vnd leut regiert. ic. Soliche werck von Got
gebote/ müßend ein weltlich vn volkommen wesen sein/ aber die
tradi

traditiones müßend einen prachtigen namen haben / das sy als
lein heilige / volkomme werck heissend. Derhalben was kein maß
noch end / solich traditiones zu machen.

zum dritten / solich Traditiones seind zu hoehere beschwörung
der gewissen gerathen / dan es was nit möglich alle traditiones
zehalten / vñ warend doch die leut in der meinung / als wäre ein
soliches ein nötiger Gottes dienst. Vñ schreibt Gerson / das vil
hienit in verzweyflung gefallen / etlich habē sich anch selb vñ
bracht / derhalb dz sy kein trost von der gnad Christi gehört ha
bend. Dan man sieht bey den Sumisten vñ Theologen / wie die
gewissen verwirret / welche sich vnderstanden haben / die tradi
tionens zusammen ziechen / vnd billigkeit gesucht / dz sie den gewis
sen hulffen / habēt so vil damit zuthun gehabt / das damit alle
heylsame / Christlich lser vō nötigen sache / als vom glaubē / vō
trost in hohen anfechtungē / vñ dergleichen darnider gelegen
ist. Darüber habend auch vil fromer gelehrter leut / vor dieser zeit
seer geklaget / das soliche traditiones vil zankes in der Kirchen
anrichten / vñ dz frome leut damit verhindert / zu rechter erkāt
nus Christi mit Komēn mochtend / Gerson vñ etlich mer / habēt
hefftig daruber klaget / ja es hat auch Augustino missfallen / dz
man die gewissen mit so vil traditiones beschwört / derhalb er
dabey vnderrichtet gibt / das mans nit fur nötige ding halten sol

Darum habend die vnsern nit auß fräsel odder verachtung
geistlichs gewalts von diesen sachen gelert / sonder es hat die
hoch not gefordert / vnderrichtet zethun vō obangezeigte irthum
men / welche auß mißuerstand der tradition gewachsen seind /
dan dz Euangelium zwinget / dz mā die leer vom glaubē sol vñ
müsse in d Kirché treibē / welche doch nit mag verstandē werdē
so man vermeint durch eygnē gwalt vñ erwelte werck gnad zu
verdienē / vñ ist daruō also gelert / dz man durch haltung geda
chter menschlicher traditiō / nit kan gnad verdienē oder Gott
versünen oder fur die sund gnug thun / vnd sol derhalben / kein
nötiger Gotsdienst darauß gemacht werdē. Darzu wirt vrsach

D ij auß

auff der schrift anzo gen. Christus Matthei. 15. entschuldiget die
Apostel/da sy gewonliche traditiones nit gehalten habend / vñ
spricht darbey/ Sy eerend mich vergeblich mit menschen gebo-
ten. So er nun diß einen vergeblichen dienst nennet/möge er nit
nötig sein/vñ bald hernach/Was zum mund yngadt / verun-
reyniget den menschen nit. Item Paulus spricht/ Roma. 4.
Das hymelreich stadt nit in speysß od der tranck. Coloss. 2. Nie-
mants sol euch richten in speysß/tranck / Sabbath 2c. Acto. 15.
spricht Petrus/Warum versucht jr Gott/ mit auffsetzung des
jochs auff der Jüger helfß/welchs weder vnser väter noch wir
habēt mögen tragē/sonder wir glaubend durch die gnad vn-
fers Herrē Jesu Christi selig zewerdē/gleicherweiss wie auch sy.

Das verbeut Petrus/dz man die gewissen nit beschwären sol
mit eusserlichē Cerimoniē/es sey Mofi oder andere/vñ 1. Tim. 4.
werdēt soliche verbot/als speisß verbietē/Le verbieten 2c. teufels-
leer genennet. Dan so lautend Sant Pauls wort/ Der geist a-
ber sagt deutlich/das in den letzten zeyten werdend etliche von
dem glauben abtretē / vñ anhangen den irrigen geistern vñ lerē
der teufeln/durch die so in gleyßneren reden seind / vñ
brandmal in jren gewissen habend/vñ verbietend Kelich zu
werden/vñ zu meyden die speysß die Gott geschaffen hat/mit
danckfagung zu nehmen/denen die glauben vñ denen die
die warheit erkennt habend/dann dieses ist stracks dem E-
uangelio entgegen / soliche werck eynsetzenn od der thun/ das
man darmit vergebung der sünde verdiene / od der als mö-
ge nyemandts Christen sein on solichen verdienst. Das man a-
ber den vnsern hie schuld gibt/als verbietend sy Kestigung vñ
zucht/wie Iovinianus/wirt sich vil anderst auff jren schriftten
befinden/dan sy habend allezeit gelert vñ heiligen Creutz / das
Christen zu leidē schuldig seind/vñ dieses ist rechte ernstliche/
vñ nit erdichte Kestigung. Darnebend wirt auch gelert/ das ein
yetlicher schuldig ist sich mit leiplicher vbung/als fasten/vñ an-
der arbeit/also zu halten/ das er nit vrsach zu sünden gebe/ nit
das er mit solichen wercken gnad verdiene. Diese leiplich vbüg
sol

sol nit allein etlich bestimpte tag/sonder stätig getriben wer-
den. Davon redt Christus Luce 21. Hütere euch das eu-
wer hertz nit beschwärt werde/mit fressen vnd sauffen. Item/
die teuffel werden nit außgeworffen dann durch fasten vnd ge-
bett. Vnd Paulus spricht/Er kestige seinen leib/vnd bringe in
in gehorsame/Damit er anzeigt/das kestigung dienen sol/nit
damit gnad zü verdienen/sonder den leib geschickt zü haltē/
das er nit verhindere/was einem yeglichen nach seinem be-
ruff zü schaffen befolhen ist/vnd wird also nit das fasten ver-
worffen/sonder das man ein nötigen dienst darauß auff bes-
stimpte tag/vñ speiß zü verwirrüg der gewüsse gemacht hab.

Auch werdend dises teil vil Cerimonien vñnd traditiones
gehalten/als ordnung der Mess/vnd andere gesang / fest. 2c.
weliche darzū dienend/das in der Kirchen ordnung gehalten
werde. Darneben aber wirdt das volck vndericht / das sölich
er aufferlicher Gottesdienst nit fromm mache vor Gott/vñnd
das man nit ein beschwörung der gewüssen halten sol/also dz
man es nachlasset on ergernuß/ nit daran gesündet wirt. Di-
se freyheit in eufferlichen cerimonien/habend auch die alten vä-
ter gehalten/dann in Orient hat man das Osterfest auff an-
dre zeit dann zü Rom gehalten/vñnd da etliche dise vngleich-
eyt/für ein trennung in der Kirchen halten woltend / seind sy
vermanet von andern/das nit not in sölichen gewonheiten
gleichheit zehalten / Vñnd spricht Ireneus also/Vngleich-
eyt im fasten trennet nit die eynigkeit des glaubens /wie au-
ch Dist. 12. von sölicher vngleichheit in menschlicher ordnung
geschriben/das sy der eynigkeit/der Christenheit nit zü wider-
sey/vnd Tripartita Historia libro. 9. zeucht zusammen vil vngle-
icher Kirchen gewonheit/vñnd setzt einen nözlichen Chri-
stenlichen spruch / Der Apostel meinung ist nit gewesen
Seyrtag eynzusetzen/sonder glauben vñnd leere zü lieben.

Von Closter geliip ten.

D iij

Von

Von Closter gelüpten zu reden / ist not erstlich zu bedencken / wie es bis anher damit gehalten / welich wesen in Clösteren gewesen / vnnnd das gar vil daryn täglich mit allein wider Gottes wort / sonder auch Bapstlichen Rechten zu entgegen gehandelt ist / dan zu S. Augustinus zeyten seind Clöster stend frey gewesen / volgend da die rechte zucht vund lere zerrüt / Da hat man Closter gelüpt erdacht / vnd damit eben als mit einer erdachten gefengtnus / die zucht wid derumb auffrichten wollen. Vber das hat man nebens den Closter gelüpten vil ander stuck mer auffgebracht / vnd mit solchen banden vnd beschwården hat man jr vil / auch vor gebürenden Jaren beladen. So seind auch vil personen auß vnwiissenheit zu solchem Closterleben kommen / welche / wiewol die sunst nit zu jung gewesen / habend doch jr vermögen nit genugsam ermessen noch verstanden / die selbigen alle / also verstrickt vnnnd verwicklet / seind gezwungen vn betrungen gewesen in solchen banden zu bleybē / vngeacht des / dz auch Bapstlich Recht jr vil frey gibt

Vnd das ist beschwårlicher gewesen in Jungkfrauen Clöstern / dann münchen Clöstern / so sich doch gezymet hette / der weybs bilden als der schwachen zu verschonen / die selbige gestrengheit vnd hertigkeit / hatt auch vil fromen leuten vorzeiten mißgefallen / dann sy habend wol gesehen das beide / Knaben vnd meytlen / vmb vnderhaltung willen des leibs in die Clöster versteckt seind worden. Sy habent auch wol gesehen / wie ubel das selbig fürnemen gerathen ist / was ergernus / was beschwårung den gewüßenen es gebracht / vnnnd habend vil klage / das man in solicher gefarlicher sache die Canones so gar nichts achtet. zu dē so hette man ein solche meinung von Clöster gelüpten / die vnuerborgen / auch vil mengem ubel gefallen hatt / die wenig ein verstand gehabt / dan sy gebend für / das Clöster gelüpten / der tauff / gleich werend / vnd das man mit dem Closter leben / vergebung der sunden vnd rechtuertigung vor Gote / verdienet / Ja sy satzend noch mer darzu / Das man mit dem Closter leben verdienete / mit allein gerechtigkeit vor Gott vnd

vñ fromkeit / sonder auch das man damit hielte / die gebot vñ
Rechte im Euangelio verfasst / vñ wurde also die Clöster ge-
lupt höher gepreist / dan die Tauffe. Item das mā mer verdie-
nere mit dē Closter leben / dann mit allen stenden so von Gott
verordēt seind / als Pfarher / Prediger ampt / Oberkeit / Fürstē /
Herren stand / vnd der gleichen / die alle nach Gottes gebott /
wort vñ befehl jrē beruff / on erdichte geystlicheit dienen / wie
dan dieser stuck keins verneynt werden / dann man findts inn
jren eygnen bücheren.

Über das / wer also gefangen / vñ in das Closter kumpt / ler-
net wenig von Christo / etwā hielt man schüler der heyligē sch-
rifft vñ andrer künsten / so der Christlichen Kirchen dienstlich
sein in Clöstern / das man auß den Clöstern pfarherr vñ Bisch-
off genommen hat / yetzund aber hat es vil ein andre ggestalt mit
den Clösterē / dan vor zeytē kamend sy der meinung zusamē im
Closter leben / dz man die schrifft lernet. Yetz gebend sy für / es
sey das Closter leben ein sölich wesen / das man Gottes gnad
vñ fromkeit vor Gott damit verdiene / ja es sey ein stand der
volkōmenheit / vñ setzēds den andern stenden / so von Got ein-
gesetz wirt / für. Das alles wirt darumb an zogen / on alle verun-
glimpfung / damit man ye desterbas vernemen vnd verstō-
mōge / was vñd wie die vnsern lerend vnd predigen.

Erstlich lerend sy bey vns / von denē die zur Begreiffend / al-
so / das alle die so zum ledigen stand nit geschickt seind / macht
füg vñ recht habēd / sich zū vereelichen / dan die gelupt vermō-
gend nit Gottes ordnung vnd gebot aufzheben. Nun lautet
Gottes gebot also. 1. Cor. 7. Vñ der hūrey willen hab ein yetlis-
cher sein eigen weib / vñ ein yetliche jren eygnen mann. Darzu
tringet / zwinget vnd treibet / nit allein Gottes gebot / sonder
auch geschöpft vnd ordnung / alle die zum Kestād / die on son-
derlich Gottes werck mit der gab der jungkfrawschafft nit be-
gabet sind / laut diß spruchs Gottes. Gene. 2. Es ist nit gut das
der mensche allein sey / wir wellend jm ein gehilffen machē / d
vñ jm sey. Wz mag mā nun dawider auffbringē / mā rüme dz
gelupt

gelüpt vnd die pflicht/wie hoch man welle/man müze es auff
als hoch man kan/so mag mā dennoch nitt erzwingē/dz Got
tes gebot dadurch auffgehoben werde. Die Doctores sagen/
dz die gelüpte auch wider des Papssts Recht vnbindig seind/
wie vil weniger sollen sy dann binden/statt vnd krafft haben
wider Gottes gepot.

Vnd wo die pflicht der gelüpte/kein ander vsach hett/das
sy möcht auffgehoben werden/so hettend die Pāpst auch nit
darwider dispensiert vnd erlaubt/dann es gepüret keinem mē
schen die pflicht/so auß Göttlichem Rechten herwachst/zū
zerrissen. Darumb habend die Pāpst wol bedacht/das in di
ser pflicht ein billigkeit sol gebraucht werden/vnd habend zū
offtern mal dispensiert/als mit einem König von Arragon vñ
vilen andern. So man nu zu erhaltung zeitlicher ding dispen
siert hatt/sol vil billicher dispensiert werden/vmb notturfft
willen der seelen.

Volgend/warumb treibt der gegen teil so hart/das man
die gelüpte halten müsse/vnd sicht nit an zūvor ob das gelüpt
sein ardt hab/dann das gelüpt sol ynn möglichen sachen
willig vnd vngewungen sein. Wie aber die ewig keüschheit
in des menschen gewalt vñd vermögen stand/weist man
wol. Auch sind wenig mans vñd weibs personen/
die von jnen selbs willig vñd wolbedacht/das Closter ges
lüptnuß gethon habend/ee sy zū rechtem verstand kommen/
so überrennend sy zūm Closter gelüpt. zū weylen werdend sy
auch dazū gezwungen vnd getrungen. Darumb ist es ye nitt
billich das man so geschwind vnd hart von der gelüpt pflicht
disputieret/angesehen/das sy alle bekennent/das solichs wi
der die natur vnd ardt der gelüptnuß ist/das die nit willigklich
vnd mit gutem radt vnd bedacht gelopt wirt. Etliche Cano
nes vñd Pāstliche Recht zerrissen die gelüpte die vnder .15.
Jarē geschehen seind/dan sy haltens dafür/dz man zu der sel
bē zeyt so vil verstands nit hatt/das man die ordnung des gā
zē lebens/wie das selbige anstellē beschliessen kōnde. Ein an
derer Conon/Gibt der menschlichen schwachheit noch mer jar

zu/dan̄ er verbent/dz Closter gelüpt vnder 18.jaren zethun. Dar
auß hat der mertheil entschuldigung vñ ursach / das sy auß den
Clöstern gond/dan̄ sy den mertheil in der kindheit vor diesen ja
ren in die Clöster kom̄en seind. Entlich/wen̄ gleich die zerbrech
ung des Closter gelüpts möchte getadelt werden/so könd aber
dennoch darauß mit erfolgen/dz man der selbigen Le zerreis
sen solt. Dann S. Augustin sagt 27. quest. 1. C. Nuptiarum/das
man soliche Le mit zerrissen sol. Nun ist ye Sant Augustin nit
in geringem ansehen in der Christlichen Kirchen/ob gleich et
liche hernach anderst gehalten.

Wiewol nun Gottes gebot von dem Bestand/von Clöstern
gelüpt/frey vñ ledig macht/so wendent doch die vnsern noch
mer ursachen fur/dz Closter gelüpte nichtig vñ vnbindig seyē/
dan̄ aller Gottes dienst von den mensche/ on Gottes gebot vñ
befelch eyngesetzt vñ erwelt/gerechtigkeit vnd Gottes gnad zu
erlangen/sey wider Gott/vñ dem heiligen Euangelio vñ Got
tes befelch wider. wie dann Christus selbs sagt/ Matth. 15. Sy
dienend mir vergeblich. 20. So leret es auch S. Paulus vberal/
das man gerechtigkeit nit sol suchen auß vnseren geboten / vnd
Gottes diensten so von menschen erdicht seind/sonder das ge
rechtigkeit vñ from̄keit vor Gott/kumpt auß dem glauben vnd
vertrauen/das wir glaubent/das vns Gott vñ seines eynigen
sons Christus willē/zugnadē nimpt. Nu ist es ye am tag/dz die
münch gelert vnd geprediget habent/das die erdichten geist
licheyten gnugthun fur die sund/vnd Gottes gnad vñ gerech
tigkeit erlangen. Was ist nun das anders/dann die herligkeit
vnd preys der gnaden Christi vermindern/vnd die gerechtig
keit des glaubens verlaugnen/darum̄ volget auß dem/das sol
che gewonliche gelübt/vnrechte valsche Gottes dienst gewesen
derhalb seind sy vnbindig/dann ein Gotloß gelüpt/vñ das wi
der Gottes gebot geschēhē/ist vnbindig vñ nichtig / wie auch
die Canones lerend/dz der eyd nit sol ein band der sunden sein.
S. Paulus sagt zū Galat. 5. Ir seind ab vō Christo/die jr durch
das gesagt rechtfertig werden wollen/vñ habt der gnaden ges
fält

fält. Derhalb auch die/so durch gelüpte wellen rechtfertig wer-
den/ seind von Christo ab/ vnd selend der gnad Gottes / dann
die selben raubend Christo sein eer / der allein gerecht machet/
vnd gebend soliche eer iren gelüpten vnd Closter leben.

Man kan auch mit laugnen/ das die münch nit gelert vnd ge-
prediget habent/ das sy durch ire gelüpt vnd Closter wesen vñ
weise/ gerecht werden/ vnd vergebung der sunden verdienend
ja sy haben auch wol vngeschickter vnd vngeriemptere ding er-
dicht vnd gesagt/ das sy ire guten werck den anderen mittheyle
tind. Wen nun einer dz alles wolte ðuglich treiben/ vñ auffmu-
gen/ wie vil stuck künde der zusammen bringen? dero sich die
münch auch yetzund selbs schemend/ vñ nit wellen gethon ha-
ben. Ober das alles habend sy auch die leut vberredt/ das die er-
dichte geistlich ordenstend seyend Christliche volkommenheit.
Dis ist ja die werck rümen / das man dadurch gerecht werde.
Nun ist es nit ein geringe ergernuß in der Christenlichen Kir-
chen/ dz man dem volck einen solichen Gottes dienst furtregt/
den die menschen one Gottes gebot erdicht habend / vnd leret
das ein solicher Gotsdienst die menschen vor Gott from vñ ge-
recht mache/ dan gerechtikeit des glaubens die man am meys-
sten in der Christenlichen Kirchen treyben sol/ wirt vertuncklet
wan den leuten die augen auffgesperret werdent/ mit diser sel-
zamen Engelgeistlicheit/ vnd valsch surgeben des munds/ de-
mut vnd keuscheit. Ober das werdend auch die gebot Gottes
vnd der recht ware Gottes dienst/ dardurch verduncklet/ wen
die leut hörend/ das allein die münch im stand der volkomen-
heit seyn sollend / Dann die Christenlich volkommenheit ist
das man Gott von hertzen vñ mit ernst fürchtet/ vnd doch
auch ein hertzliche zuversicht glauben vñ vertragen fassa-
set/ das wir vmb Christus willen einen gnedigē barmhertzigem
Gott haben/ das wir mögen vnd sollend von Gott bitten / vñ
begeren/ was vns not ist/ vñ hilff von jm in allen trübsalen ges-
wislich nach eines yeden beruffs vnd stat gewarcken / das wir
auch in des sollend eusserlich mit fleiß gute werck thun/ vñ vns
fers.

H. 100

fers beruffs warten / darinnen stadt die rechte volkomenheit
vnd Gottes dienst / mit ihm betlen / oder in einer schwarzē / oder
grawen kappen. 2c. Aber das gemein volck fasset vil schedlicher
meynung auß valschem lob des Closter lebens / so es horet / das
man den ledigen stand / one alle maß lobt / dann darauß volget
das es mit beschwärdtem gewissen im Restand ist. So der ge
mein man horet / dz die betler allein sollend volkomen sein / kan
er nit wissen das er on sünde / güter haben vnd handtiren möge.
So das volck horet / es sey nun ein rath / nit rath vben / volget /
das etlich vermeinend / es sey nit sünd außserhalb des ampts
rath zu vben / Etlich meinend rath gezimē den Christen gar nit
auch mit der Oberkeit. Man lisset auch der Exempel vil / das et
lich weib vnd kind / auch jr regiment verlassen / vnd sich in Clō
ster gesteckt habend / dasselbig habend sy gesagt / heisse auß der
welt fliehen / vnd ein solich leben suchen / das Gott baß gefiel /
dan der anderen leben. Sy habend auch nit können wissen / das
man Gott nit dienen sol in den geboten / die von menschen er
dicht seind. Nun ist das ein guter vnd volkomner stand des le
bens / welcher Gottes gebot vor jm hat / das aber ist ein gfarli
cher stand des lebens / der Gottes gebot nit vor jm hat.

Von solichen sachen ist von nöten gewesen / den leuten gutē
bericht zethun. Es hat auch Gerson / Cantzler Parisiensis / vor
zeiten den yrrthumb der münchē von der volkomenheit gestra
fft / vñ zeygt an das bey seinen zeyten dises ein neuwe red gewe
sen sey / daß das Clōster leben ein standt der volkomenheit sein
sol. So vil gottloser meinung vñ yrrthumb klebend in den Clō
ster gelüpten / das die sollend rechtfertigen vñ from̄ vor Gott
machen / das sy die Christenlich volkomenheit sein sollend / das
man damit beyde des Euangeliums rathe vnd gebott hielte /
das sy haben die vbermaß der werck / die mā Gott nit schuldig
sey. Dieweil dan solichs alles falsch / eytel vñ erdicht ist so macht
es auch die Clōster gelüpt nichtig vnd vnbundig.

Von der Bischoffen gewalt.

¶ ij Von

Don der Bischoffen gewalt/ist vor zeiten vil vnd mancher
ey geschriben/vñ habend etlich vngeschicklich den gewalt der
Bischoffen/vñ das weltlich schwärt vn̄ d̄ einandern gemenge
vnd seind auß disem vnordenlichem gemeng/ seer grosse krieg/
auffrüren vnd embörung erfolgt/ auß dem das die Bischoff im
schein ires gewalts/der inen von Christo gegeben/ mit allein ne
we Gotsdienst angericht haben/vnd mit vorbehaltung etlich
er fäle/vnd gwaltsame bänn/die gewissen beschwärt/sonder
sich auch vnderwunden König vnd Keyser zu setzen vnd entse
zen/irs gefallens. Welichen fräfel auch lange zeit hienor geler
te vnd Gottsförchtige leut in der Christenheit gestraafft habēt.
Deßhalb die vnseren zu trost der gewissen gezwungen seint wor
den/die vnderscheid des geistlichen vn̄ weltlichen gwalts/sch
wärts vnd Regiments anzuzeigen/vnd habend gelert/das
man beyde Regiment vnd gewalt/vmb Gottes gebots willen
mit aller andacht/eeren vn̄ wol halten sol/ als zwo höchste gas
ben Gottes auff erden.

Nun lerend die vnseren also/ Das der gewalt der schlüsseln
oder der Bischoffen sey/laut des Euangeli/ein gwalt vnd bese
lch/dz Euangelium zu predigen/die sund zu vergeben/vnd zu
behalten/vñ die Sacramenta zu reichen vnd zu handlen/dann
Christus hat die Apostel mit disem befelch außgsant/Joan.20
ca. Gleich wie mich mein vater gesandt hat/ also send ich euch
auch/Nemend hin den heiligē geist/welchē jr ire sund erlassen
werdend/dem sollent sy erlassen sein/vñ denen jr sy vorbehaltēt
denen sollend sy vorbehalten sein.

Den selbigen gwalt der schlüsseln oder der Bischoffen/vbet
vnd treibt man allein mit der leer vn̄ predig Gottes worts/vñ
mit handreichüg der Sacramēt/gegē vilen od̄ wenigē personē
darnach der beruff ist/dann damit werden geben nit leipliche/
sonder ewige ding vnd güter/als nemlich ewige gerechtigkeit/
der heilig geist vnd das ewig leben.

Dise güter kan man anders nit erlangen/dann durch das
ampt der predig/vnnd durch die handtreychung der heyligen
Sacra.

Sacrament. Dann. S. Paul spricht. Das Euangelium ist ein
Krafft Gottes selig zemachen / alle die dareyn glaubend. Dies
weil nun der gewalt der Kirchen oder Bischoffe ewige güter
gibt / vnd allein durch das predig ampt geübet vnd getriben
wirt / so hindert er die politzey vnd das weltlich Regiment ni
chts über al / dann weltlich Regiment gadt mit vil andern sa
chen vmb dann das Euangelium / welcher gewalt schützet /
mit die seel / sonder leib vnd güte wider eusserlichen gewalt / mit
dem schwerd vnd leiblichen penen.

Darumb sol man die zwey Regiment / das geistlich vñ wele
lich / mit vnder einander mengen vnd werffen / dann der geyst
lich gewalt hat seinen befehl / das Euangelium zu predigen
vnd die Sacrament zu reichen / sol auch nit in ein frömbds
ampt fallen / sol nit König setzen vnd einsetzen / sol weltlichem
gesatz vnd gehorsam der Oberkeit nit auffheben oder zerrüt
ten / sol weltlichem gewalt nit gesatz machen vnd stellen / von
weltlichen hendlen / wie dann Christus gesagt hat / Mein
Reich ist nit von diser welt. Item / Wer hat mich zu einem Ri
chter zwüsche euch gesetzt. Vñ Sant Paulus zum Philip. 3. Un
ser Burger schaffe ist im himel. Vnd. 2. Corinth. 10. Die waffen
vnsrer Ritterschaffe seind nit fleischlich / sonder mechtigt vor
Gott / zumersten zu verstoren die anchleg vnd alle höche die
sich erhebt / widder die bekantnus Gottes.

Diser gestalt vnderscheidend die vnsern die beide Regi
ment vnd gewalt ampt / vñnd heysend sy beyde als die höch
sten gaben Gottes aufferden / inn eeren halten. Wo aber die
Bischoff weltliche Regiment vñnd schwärdt habend /
so habend / sy die selbigen nit als Bischoff auß Göttlich
em rechten / sonder auß menschlichem Keyserlichem Rech
ten geschenckt / von Keyseren vnd Königen zu welcher ver
waltung irer gütern / vnd gadt das ampt des Euangelij gar
nit an.

Derhalben das ist Bischofflich ampt nach Göttlichem
rechten / das Euangelium zu predigen / sünd zu vergeben / lere
K ij vrtellen

urteilen / vnd die leer dem Euangelion entgegen verwerffen
vnd die gottlosen / deren gottloß wesen offenbar ist / auß Chris-
tlicher gmeyn außschliessen / on menschlichen gewalt / sonder
allein durch Gottes wort.

Vnd derhalb seind die Pfarlent vnd Kirchen schuldig den
Bischoffen gehorsam zesein / laut dises spruchs Christi / Luce.
10. Wer euch hört / der hört mich. Wo sy aber dē Euangelio et-
was entgegen / lerend / sezend / oder auffrichtend / habend wir
Gottes befehl / in solchē fal / das wir nit sollend gehorsam sein.
Matth. 7. Sehend euch für / vor den falschen propheten. Vnd
S. Paulus zum Galath. 1. So auch wir oder ein Engel vom hy-
mel euch ein ander Euangelium predigen wurde / dann das
wir euch geprediget habend / das sey verflücht. Vñ. 2. Corinth
13. Wir habend kein macht widder die warheit. Item / nach der
macht / welche mir der Herr zū besseren vñd nit zū verder-
ben gegeben hat / also gebeit auch das geistlich Recht. 2. quest.
7. C. Sacerdotes / vnd / in Capitulo oues / vñ Sanctus Augusti-
nus schribt in der Epist. wider Petilianum / Man sol auch den
Bischoffen / so ordenlichen gewalt habend / nit volgen / wo sy
irrend / oder wid die heilig Götlich schrift lerend oder ordned.

Das aber die Bischoff sunst gewalt vñ gerichtszwang ha-
bend in etlichen sachē / als nemlich Resachen oder Zählenden /
die selbē habē si aus krafft menschlicher Recht. Wo aber die
Ordinarien nachlässig in sollichem ampt seind / so seind die Für-
sten schuldig / sy thunts auch gleich gern od vngern / hierin irē
vnderthonen vmb fridens willen Recht zespreehen / zuuerhörē
vnd zu verhüten vnfriden vñd grosser vnruhe in den lan-
dē / sonder auch rüw vñ eynigkeit zepflantzen / vñ fridē erhaltē

Weytter disputirt man auch / ob Bischoff macht haben / Cer-
rimonien in der Kirchen auffzerichren / desgleichen sartzung
von speys vnd Seyrtagen / von vnderscheidlichem orden der
Kirchen dienern / dan die den Bischoffen disen gewalt gebēd /
ziehend disen spruch Christi. an. Jo. 16. Ich hab euch nach vil
zu sagen / jr aber könnendts yzund nit tragē / wann aber d̄ geist
der

der warheit kōmen wirt/ der wirt euch in alle warheit führen.
Darzu führend sy auch das exempel Acto. 15. da sy blut vnd ers-
stickts verboten habend/ so zeucht man auch das an / das der
Sabbath in Sonntag verwandelt ist worden / wider die zā-
hen gebot/ darfür sy es achtend/ vñ wirdt kein Exempel so ho-
ch getribē vñ angezogē/ als die verwandlung des Sabbaths/
vnd wellend damit erhalten/ das der gewalt der Kirchē groß
sey/ Dieweil sy mit den zāhen gebotten dispensiert/ vnd daran
etwas verendert.

Aber die vnsern lerend in diser frag also / das die Bischoff
mit macht habend/ etwas wider das Euangelium zū setzen vñ
auffrichten/ wie dann oben angezeigt ist/ vñnd die geystlichen
Recht durch die gannz. 9. Dist. lerend.

Nun ist dises öffentlich wider Gottes befehl vnd wort ge-
setzt/ der meinung zu machen vñnd zū gebieten/ das man dar-
durch für die sünd genug thūye / vnd gnad erlange / dann es
wirdt die eer des verdienstes Christi verlestert / wenn wir
vns mit sölichen satzungē vnderwindend / gnad zū verdienen

Es ist auch am tag/ das vmb dieser meinung willen in der
Christenheit/ menschlich auffsetzung vnzellich überhand ge-
nommen habend/ vñ in des die lere vom glauben/ vnd die gere-
chtigkeit des glaubens/ gar vndertrückt ist gewesen. Mā hat
teglich neuw Feirtag/ neuw Fasten gebotten/ neuwe Cerimoni-
en/ vñnd neuwe eer entbietung der Heiligen / eyngesetzt/ mit
sölichen wercken gnad vnd alles guts bey Gott zū verdienen.

Item/ die so menschliche satzung auffrichtend/ tünd / auch
damit wider Gottes gebott/ das sy sünd setzend in der speyß/
in tagen/ vnd dergleichen dingen/ vnd beschwärend also die
Christenheit mit der knechtschafft des gesatztes/ eben als müß-
te bey den Christen sölicher Gottsdienst sein/ Gottes' gnad zu
verdienen. Der gleichen werē die Leuitischē Gottsdienst/ welche
Gott solt den Aposteln vnd Bischoffen befolhen habē auffze-
richtē/ wie dan etliche daruō schreybēd. stadt auch wol zu glau-
ben/ das etlich Bischoff mit dē exempel Mosei seind betrogen
worden

worden/daher so vnzelliche satzungen kommen seind/dass ein
tod sünd sein sol/wenn man an den feyrtagen ein handarbeit
thut/on ergernuß der andern/das ein tod sünd sey/so man die
siben zeit nach laßt/das etliche speyß das gewüssen veruntreys
ne/als fasten ein sölich werck sey/damit man Gott versüne/
das die sünd in einem fürbehaltenen fal/werde. nit vergeben/
man suche dann züvor den fürbehalter des fals/vnangesehen/
das die geystlichen recht nit von vorbehaltung der schuld/son
der von vorbehaltung der Kirchen peen redend. Wo her ha
ben dann die Bischoff recht vnd macht/söliche auffsetz der
Christenheyt aufzelegen/die gewüssen zu verstricken/dann. S.
Peter verbeit in Geschichten der Apostel. 15. das joch auff
der junger helf zu legen. Vnd Sant Paulus sagt zum Corin
them/Dass yhm der gewalt zu besseren / vnd nit zuuers
derben gegeben sey. Warumb meren sy dann die summa
mit sölichen auffsetzen: Doch hat man helle sprüch der Gött
lichen schrifft / die da verbieten söliche anffsetz auffzerichten/
die gnad Gottes darmit zu verdienē/oder als sölten sy von nö
ten zur seligkeit sein. So sagt Sant Paulus zün Coloffern am
andren Capitel/ So lassen nun niemant euch gewüssen ma
chen über speyß vnd tranck / oder über bestimpten tagen/nam
lich den feirtagen/oder Neivomonaten/odder. Sabbathen.
Item so ir dann nun gestorben seind mit Christo/von den welt
lichen satzungen/was lassen ir euch dan fahend mit satzungē/
als werend ir lebend/die da sagend / Du solt das nit anrü
ren/du solt das nit essen/nit trincken/du solt das nit anlegen/
weliches sich doch alles vnderhanden verzerret/vnd seind mē
schen gebot vnd leere/vnd habend einen schyn der weyßheit.
Item Sant Paulus zü Tito .i. cap. verbeit öffentlich / Man
sol nit achten auff Jüdische fabeln vnd menschen gebott/wes
liche die warheit abwendend.

So redt auch Christus selbs Matthei am 15. ca. von denen
so die leut auff menschen gebott treibend / Lassend sy faren/sy
seind der blinden/blinde leyter odder fürer. Vnd verwirfft sö
lich

lich Gottesdienst/ vnd sagt/ Alle pflanzung/ so mein hymelischer vater nit gepflanzt hat/ die werdēt außgerēit.

So nun die Bischoff macht habend die Kirchen mit vnzellichen auffsetzen zu beschwären/ vnd die gewissen zu verstricken warum verbeyt dan die Göttlich schrift so offft/ die menschlichen auffsatz zu machen vnd zu hören? warum nennet er sy die selben teuffels lere? solte der Heilig geist solichs alles vergeblich vor gewarnet haben?

Derhaiben/ dieweil soliche ordnung als nötig auffgericht/ damit Gott zu versünen/ vnd gnad zu verdienen/ dem Euangeliō entgegen seind/ so zimpt sich keins wegs den Bischoffen soliche Gottes dienst zu erzwingen/ dann man muß inn der Christenheit/ die leer vonn der Christenlichen freyheit behalten/ als namlich/ das die knechtschafft des gsatzes nit nötig sey zur rechtfertigung. Wie dan Sant Paulus zum Gallathern am. 5. capit. schreibt/ Damit vns Christus befreyet hat / vnd lassend euch nit widerumb inn das knechtisch joch verknupffen/ dan es muß ye der furnemme Artickel des Euangeli erhalten werden/ das wir die gnad Gottes durch den glauben an Christum on vnseren verdienst erlangen / vnd nit durch Gottes dienst von menschen eyngesetzt/ verdienen.

Was sol man dann halten von Sonntag vnd der gleychen ander Kirchen ordnungen vnd Cerimonien? Darzu gebend die vnseren diese antwort/ Das die Bischoff vnd pfarrherr/ mögend ordnung machen / damit es ordenlich inn der Kirchen zugang/ nit damit Gottes gnad zu erlangen / auch nit damit fur die sünd gnug zethun/ oder die gewissen damit zu verbinden / solichs fur nötige Gottesdienst zu halten/ vnd des darfur achten/ das die sünd thetten/ wenn sy on ergernuß die selbigen brächen. Also hat S. Paulus zu den Corinthern verordnet / das die weyber inn der versamlung ihr haupt sollend bedecken. Item das die prediger inn der versamlung nit zu gleich alle redend/ sonder ordenlich einer nach dem andren

§ Solche

Solliche ordnung geburt der Christenlichen versammlung
umb der liebe vnd fridens willen zuhalten vnd den Bischoffen
vnd pfarherren inn diesen fällen gehorsam zu sein / vnd die sel
bigen so verr zehalten / das einer den anderen nit ergere / damit
inn der Kirchen kein vnnordnung odder wüstes wesen sey /
Doch also / das die gewissen nit beschwärt werdind / das mans
für solliche ding halte / die nötig sein soltend zur seligkeit / vñ es
darfür achten / das sy sund thetten / wenn sy die selben / on der
andern ergernuß bräuchent / wie dann niemand sagt / das das
weib sund thuye / die mit blossen haupt on ergernuß der leuten
aufgadt.

Also ist die ordnung vom Sonntag / von der Oster feyre / von
der pfingsten / vnd der gleichen feyre vnd weyse / dann die es
dafür achten / das die ordnung vom Sonntag / für den Sabbath
als nötig auffgericht sey / die yrend sere / dann die heilig schrift
hat den Sabbath abgethan / vnd leret / das alle Cerimonien
des alten gesatz / nach eroffnung des Euangeliums mögen
nachgelassen werden / vnd dennoch vil von nöten gewesen ist
ein gewissen tag zu verordnen / auff das das volck wüste / wenn
es zusammen kómen solte / hat die Christenlich Kirch den Son
tag darzu verordnet / vnd zu dieser verenderung dester mer ge
fallens vnd willens gehapt darmit die leut ein Exempel het
tind der Christenlichen freyheit / das man wisse / das weder die
haltung des Sabbath noch eines andren tags / von nöten sey
Es seind vil vnrichtig disputationen / von verandlung des
gesatztes / von Cerimonien des Neuwen Testaments / von der
verenderung des Sabbath / welche alle entsprungen seind /
auff falscher vnd irriger meinung / als müste man inn der Chri
stenheit einen solichen Gottes dienst haben / der dem Leuitisch
en odder Jüdischen Gottes dienst gemäß were / vnd als solt
Christus den Aposteln vnd Bischoffen befolhen haben / newe
Cerimonien zu erdencken / die zur seligkeit nötig werend. Die sel
bigen yrrthumb / habend sich inn der Christenheit eingefloch
ten / do man die gerechtigkeit des glanbens / nit lauter vnd reyn
geleert vnd geprediget hat. Etliche

Leich disputierent also vom Sonntag/ das man in halten
müß/wiewol nit auß Göttlichem Rechten / dennoch schier als
vil als auß Göttlichem Rechten/stellend form vnd maß / wie
ferre man ein Seyrtag arbeyten möge. Was seind aber söliche
Distinctiones anders/ dann fallstrick des gewissens. Dann wie
wol sy sich vnderstondt menschlich auffsetz zu linderen / so
kan man doch kein billichkeit oder linderung treffen/ so lang die
meinung stadt vnd bleibt / als solten sy von nöten sein. Nun
muß die selbig meinung bleibē/ vñ wen man nichts weist von
der gerechtigkeit des glaubēs vñ von der Christelichē freyheit.

Die Apostel habent geheissen/ man solle sich enthalten von
dem blut vnd ersticktem / wer helts aber yetz: aber dennoch
thund die kein sund/ die es nit haltend / dann die Apostel ha-
bend auch selbs die gewissen nit wellen beschwären mit sölicher
er knechtschafft/ sonder habends vmb ergernuß willen ein zeyt
lang verboten/ dann man muß achtung haben in diser satzung
auff das hauptstück Christlicher leere/ das durch diß Decret nit
auffgehoben wirt/ man halte schier kein alte Canones / wie die
Leuten/ es fallend auch derselbigen satzungen / täglich vil ab/
auch bey denen die solche satzungen aller fleissigest haltend/ da
kan man den gewissen nit radten noch helffen. Wo dise linder-
ung nit gehalten wirt/ das wir wissen söliche auffsetz also zes-
halten/ das mans nit darfür achte/ das sy nötig seyen/ das auch
den gewissen vnnschädlich sey / wo gleich söliche auffsetz
fallend. Es wurdend aber die Bischoff leichtlich die gehor-
samme erhalten/ wo sy nit daraufftringent die yhemige satzung
zehalten/ so doch on sund nit mögend gehalten werden. Yetz
aber thund sy eyn ding/ vnd verbietend beyde gestalt des heyl-
ligen Sacraments. Item den geistlichen den Bestand / nes-
mend niemands auff/ er thuye dan zuuor einen eyd/ er welle dise
leer/ so doch on zweyffel dem heiligen Euangelio gemess ist/ nit
predigen.

Unsere Kirchen begärend nit / das die Bischoff nit nach-
teyl irer eeren vnd werden widerumb fried vñnd eynigkeit ma-

S ij chend

ehend / wie wol solichs den Bischoffen inn der not auch zethun
gepürt / allein bittend sy darumb / das die Bischoffetliche / vnd
billich / beschwörung nachlassend / die doch vorzeyten auch in
der Kirchen nit gewesen / vnd angenommen seind / wider den
brauch der Christenlichen gemeinen Kirchen / welche villeiche
im anheben etliche vrsachen gehabt / aber sy reymend sich nie
zu vnsern zeytē. So ist auch onlugenbar / dz etliche satzung auß
vnuerstand angenommen seind / darinn söltend die Bischoff
der gütickeit sein / die selbigen satzungen zu miltieren / sitmaln ein
sölche enderung neut schadet / Christenlicher Kirchen zu erhal
ten / dann vil satzung von menschen auffkomen / seind mit der
zeit selbs gefallen / vnd nit nötig zu halten / wie die Päpstli
chen Recht selbs zeugend / Kan es ye nit sein / auch bey jnen nit
zu erhalten / das man soliche menschliche satzungen / mässige
vnd abthüye / welche man on sund nit Kan halten. So müßent
mit der Apostel regel volgen / die vns gebeut / wir söllind Gott
mer gehorsam sein dann den menschen. Sant Peter verbeut
den Bischoffen die Herrschafft / als hettend sy gewalt die Kir
chen worzu sy wolten / zu zwingen / yezund gath mā nit damit
vmb / wie man den Bischoffen jr gewalt neme / sonder man bic
vnd begärt / sy wellen die gewissen nit zu sunden zezwingen /
wenn sy aber das nit thun wurden / vnd dise bitt verachten / so
mögent sy gedencken / wie sy deshalb vor Gott werdend ant
wurt geben / dieweil sy mit solicher irer hertigkeit / vrsach gebēt
zu spaltung vnd zertremung / das sy doch billich söltend verhö
ren helfen / Amen.

Beschluß.

Diss sind die furnemesten Artikel die yezund fur streytig ge
achtet werdend / dann wiewol man vil mer mißbreuch vnd vn
richtigkeit hette mögen anziehen / so habend wir doch die weit
löufftigkeit vnnd lenge zu verhüten / allein die furnemesten
vermelt / darauß die andern leychtlich zu ermessen / dann man
hat vor zeyten seer klagt vber den Ablass / vber die walfarten /
über :

über die mißbreuch des Banns. Es hattend auch die Pfarrrherren vnendliche gezencf / mit denen Mönch sehelmen / von wegen des beychthörens / der begrebtuß / der predigen / vnd andere vnzarbarliche stuck mer. Solichs alles habend wir ym besten vnd vmb glimpffs willen übergangen / damit man die fürnemste stuck in disen sachen dester baß vermercken möcht / darfür sol es auch nit gehalten werden / das inn dem yemants einzigt zü hassz oder vnglimpff geredt oder angezogen sey / sonder wir habend allein die stuck erzellet / die wir für nödig anzü ziehen vn vermelden geachtet habed / damit mā darauß dester baß zü vernemmen hab / das bey vns nichts / weder mit der leser / noch mit den Cerimonien angenommen ist / das eintweder / der heiligen geschriffte oder gemeiner Christenlichē Kirchen zu entgegen were / dann es ist ye am tag vnd offentlich / das wir mit allem fleiß mit Gottes hilff / one rüm zü reden / verhüt habend / damit ye kein neirwe vnd Gottlose leer / sich in vnsern Kirchen einflächte / eynreyße vnd überhand nāme.

Die obgemelten Artickel habend wir dem außschreiben nach übergeben wellen / zu einer anzeigung vnser bekantnuß vn der vnsern lere / vnd ob im anderst befunden wurde / der daran māgel hette / dem ist man fernen berichte mit grund Göttlicher heyliger geschriffte zethün / vrbütig.

K. Key. Maieft. vnder
thenigste gehorsame.

Von Gottes gnaden Johannes Herzog zu Saxon Chürfürst.

Jörg Marggraff zu Brandenburg.

Ernst Herzog zu Lunenburg.

Philippus Landtgraff zu Hessen.

Johan Fridereich Herzog zu Sachsen.

Franciscus Herzog zu Lunenburg.

Wolff Fürst zu anhalt.

Albrecht Graff vnd Herr zu Mansfelden.


Die geschickten der Statt Nürenberg.


Die geschickten der Statt Keitlingen.

Faint, illegible text, likely bleed-through from the reverse side of the page.



Cochlæus de Act. et Supt. Lutheri ad Ann. 1530 p. 217.
Lutheranam Confessionem per Typographos divulgatam fuisse, et Lypis excu-
sam Augustam venisse, an legum soleretur Principum conventus.
Contra Bellarmia. de Variatōe A. C. scripsit Dersch. Diss. de
Seculari de A. C. 2. cap. 4. Joh. Schmidt. Diss. secular. de A. C.
D. 39. Pont. Dersch. de Prov. Div. circ. A. C. No. 10.
d. 5. Aug. Prohibita fuit Communio, ac publicatio Confutatiois A. C.





pon 2/9 307/a

ULB Halle

3

004 334 914





f
sb.


kein Rest

ML










13





Inzeigung vnd bekant-
nis des Glaubens vnnnd der lere / so die
adpellirenden Stende Key. Maie-
stet auff hetzigen tag zu Aug-
spurg oberantwort
habens.

M.D.XXX.

Jo. H. Gremm

